

علوم اقتصاديه و اجتماعيه مجموعه لکاري

مرايڪ بريجي - ڪوئي نيشنل يونيورسٽي

امپوسٽري

احمد شيب، ضايفين، محمد هادي

مديريت

ديوان محاسبات واپورلري - رحيم حسين - صاحب
اخلاق: بديع نوري - - محررات عمليه - صاحب

مدير و صاحب امتياز

محمد هادي

لکھنؤ: ۱۰ غروهي

استانبول

امور اداره و تحريره: طيف مطلقه

۱۳۲۷

و تحصیلنده بوباره ایراد قید اولتور . آوانس صورتیله ویریلان آقچه بدایه ترتیب مخصوصه مصرف قید ایدلدیکی جهته صرف ایدیله میوبده ایراد قید اولتان آقچه مخصوصاته رجوع اتمش اوله ماز . دولتک معاملات نقدیه‌سی بالاده ابحات متعدده مفصلاً ذکر اولندی اوزره مالیه نظارتنده بولتان معاملات نقدیه مدیری بانق شعبه‌سی اولان ولایاتده کی آژانته‌سی و بلجیقا ملی بانکه‌سک ولایاتده کی شعباتی و اداره مرکزیه‌سی معرفتیه تدویر ایدر .



پارسلده اجرا ایدیلن تدقیقات نتایجنی مین راپوردر

« دیوان محاسباتک تاریخچه‌سی »

فرانسه‌ده مقدما املاک قرالی و تکالیف عمومیه مأمورلرینک اداره حسابلری مجلس محاسبات Chambre des Comptes نامی التنده تعیین ایدیلن هیئات حاکمه طرفدن تدقیق و محاکمه ایدیلور ایدی . اختلافک ندایتنده اون اوچ مجلس محاسبات موجود و بونلردن هربری عین وظائفی حاکم ایدی . یالکزر پارسلده کی مجلس محاسباتک حق قضایی صورت مخصوصهده واسع ایدی . بونکده سببی کندیسه تودیع ایدیلن حسابلرک عددجه و اهمیتجه زیاده اولمسی ایدی . شمدریکی دیوان محاسبات کی اووقکی مجلس محاسبات دخی حساباتی تدقیق ایدر ، اعلامه ربط ایلر و محاسبه برائت وزیر ایدی . بوندن ماعندا املاک اداره‌سنه تعلق ایدن حقوق

تصرفیه مسائلتی و (فئودالیه) ددوینی حل و حسم ایتمکه مکلف حقیقی محاکمه هیئتتری ایدی . مجالس محاسبات ۱۷۹۰ سنهسی ایلولنک ۱۷ و ۲۹ ی تاریخلی بر امر نامه ایله انغا ایدلمشدر . ۱۷۹۲ سنهسی شباطنک اون ایکی کونکی تاریخلی بر امر نامه ایله تأسیس ایدلمش اولان محاسبه قلم مرکزیسی Bureau central de comptabilité بو مجالسک یرینه قائم اولمشدر . فقط Assemblée Constituante مجلسی ؛ تکالیف عمومیه نك اهالی مملکتک هیئت مجموعیه سی طرفدن تسویه ایدلدیکی جهته اشبو تکالیفدن حصوله کلن مبالغه صورت تخصیصی واستعمالنی تدقیق ایتمک وظیفه سنک منحصر آ مات وکیللرینه عائد اولدینی اساسندن طوتدیرم ورق حساباتک تصفیه سی ماملاتنی ایکی یه تقریق ایتمشدر : اصل تدقیق وظیفه سی یوقاروده سویلیان محاسبه قلم مرکزیسه تودیع ایدلمش وحسابات مذکورم نك تصفیه سی واعلامه ربطی ومحاسبلرک تبرئه سی وظائفی ایسه مجلس ملی یه براغلمشیدی . بواصول (۲۸ پلویوز سنه ۳ 28 Pluviose an III) تاریخلی قانونه قدر دوام ایدی . بوقانون حکمنجه حساباتک اعلامه ربطی وظیفه سی محاسبه قلم مرکزیسه تودیع ایدلمش ومجلس ملی یه انحق محاسبلرک تبرئه سی حق براغلمشدر . نهایت ایرکسی سنه (۱۸ فریر سنه ۴ 18 Frimaire an IV) تاریخلی قانون Constituante مجلسنک احداث ایتدیکي اشبو تقریق انغا ایدرک محاسبه قلمنه محاسبلرک قطعاً برائتلرینه حکم ایتمک صلاحیتی دخی بخش ایتشیدی . ۱۸۰۱ ده محاسبه قلم مرکزیسی یرینه محاسبه ملیه قومیسونی احداث اولندی . لکن بو بشقه برنام آتنده عینی ایشی کورر ایدی . بالکز قومیسونک اعضای براز دها فضله ایدی . بونلرک وظائفی شو صورتله اجمال اولته بیلیر : حکومتک بالعموم محاسبه لرینک تصفیه سی ، تدقیق ، تمرکز ایتدیرلسی . ایمپراطورلق زماننده ۱۶ ایلول سنه ۱۸۰۷ تاریخلی قانون ایله

فرانسه دیوان محاسبات تأسیس واحداث اولمشدر. اسکی مجالس محاسباتک
تشکیلات ووظائفی تدقیق وقانون جدید تعمیق ایدلده که ا کلاشیلور که
اولا دیوان محاسبات بر هیئت عدلیه اولمقدن زیاده بر هیئت اداره در چونکه
املاً که متعلق اولان حقوق تصرفیه مسائلی حقنده حکم اعطاسی محاکم
عادییه ترک ایدلمشدر ثانیاً دیوان محاسباتلرک متعدد اولمسی می یوقسه بردانه
بولنسی می مناسب اوله جنی مسئلهسی نک بر دیوان محاسبات بولنسی دها
خیرلی اوله جنی صورتده حل ایدلمشدر . چونکه بالمعوم حساباتک عین
واسطه ایله تدقیق بودجه نک تطبیق واجراسنی حقیقه تدقیق ایچون بمقتضی
تفحصاتک هیئت مجموعه سی آرمسند بر رابطه وجوده کتیرمکه الک زیاده
مناصب بر شکلدر . بنابرین قانونک برنجی ماده سی ایچانجه محاسبیه ملیه
وظائفی بر دیوان محاسبات طرفدن اجرا اوله جقددر . دیوان محاسباتک
سالف الذکر قانونندن ماعدا برچوق تعلیماتی موجود ایسده بونلر ریاستجه
تنظیم وکاه و بیکاه تعدیل اولتمقددر .

— وضعیتی —

دیوان محاسبات بر محکمه اداره در قانوناً امور مالیه نک حسن صورته
رؤیت وتمشیتیه و بودجه نک محافظه احکامنه نظارت ایتک وظیفه سیله مکلفدر
دیوان محاسبات اشبو وظائف عالیه سی صورت مختلفه ده اجرا ایلر. امور
مالیه نک تمشیت و اداره سی یکدیگرکندن صورت قطعیه ده آیرلمسی ایجاب
ایدن ایکی صنف مأمورینک وجودنی استلزام ایدر: اداره مأمورلری
یاخود آمر اعطالر ، محاسبلر . آمر اعطالر وارداتک تحقق وتحصیل
ایتدیرلمسده ومصارفک تمهد وتحقق ایتدیریلرک امر اعطایه برطنه مأمورددر .
محاسبلر وارداتک قبضه ومصارفک تأدیه سده مأمورددر . دیوان محاسباتک
واسع برحق قضایی وارددر: شویله که محاسبلرک حسابلرینی تدقیق ایتدکدن

صکرمه مطالعات و ملاحظاتی اعلاماته ربط ایدر و اعلاملر قطعی الاجرادر اداره مأمورلری حققدہ حق قضایی یوقدر لکن آتیده بیان ایدیلہ جک حدود داخلندہ انلرک معاملاتی تدقیق و تنقیدہ حق واردر . امور مالیہ نک قونترولی وظائفندن طولایی دیوان محاسبات پارلمتونک بودجه امورندہ معاونی دیمکدر . بو جهتہ بودجه نک تطبیق و اجراسندہ کوردیکی یولسزقلری (تخصیصاتک تجاوزی ، بر فصلدن دیگر فصلہ نقلی کی) پارلمتویہ بیلدیرر کذلک نظار طرفندہ سنوی ویریلن حسابات ایله محاسبلرک حساباتی آرمسندہ کی مطابقتی بیان ایدر (محاسبلر حساباتک سختی اوراق مثبتہ ایله تدقیق ایستدکن صکرہ) بوندن بشقہ تدقیقاتک کوسرتدیکی احوال مهمہ بی دخی پارلمتویہ بیلدیررک کندی تقدیرینہ و تدقیقنہ وضع ایدیلن امور و معاملات حسابیہ نک اصلاحات و تعدیلاتی حققدہ کی نقاط نظری دخی عرض ایدر . رئیس اول هر اوج آیدہ بر مالیہ ناظرینہ دیوانک مساعیسی حققدہ بر تقریر ویرر بوتقریر مالیہ ناظری طرفندن رئیس جمهورک نظر اطلاعنہ وضع اولنور .

موقع تشریفاتیسنه کلنجه ، مراسمده محکمہ تمیزی تعقیب ایدر تشریفات رسمیده اولاولا وکلا وسفرا وناثیاً شورای دولت نالک محکمہ تمیز رابعاً دیوان محاسبات اخذ موقع ایدر انجق شورای دولته عدلیہ ناظری ریاست ایتمکده اولمی و شورای دولت دواژنده کی رئیس لر رئیس نانی بولنلری جهتله دیوان محاسبات رئیس اولی شورای دولت رئیس نانیلرندن اول اخذ موقع ایدر .

۳- تشکیلاتی -

دیوان محاسبات اولاً بر رئیس اول اوج رئیس نانی اون سکراعضا سکسان آلی تمیز ویکرمی بش ملازمدن نانیاً معیتندہ مدعی عمومی

معاونلكى Avocat général وظائفنى ایفا ایدن برنجی صنفدن بر میز بولان برمدعی* عمومیدن (بوابی ذات مدعی* عمومیلک هیئتی تشکیل ایدر .) نالکاً برباش کاتبدن مرکبدر .

باش کاتبك معیتند اوج ضبط کاجی (Commis greffier) و مخبرات و اوراق ایشلریك تمشیتی ایچون اوج مأمور وارددر . بونلردن بشقه ریاست اولانك بش کشیدن و مدعی* عمومیلکك اوج کشیدن مرکب هیئت قلمیه لری وارددر .

دیوان محاسبات هیئتی رئیس حکومتك امرنامه سیله و قید حیات شرطیله تعیین اولنور . بو لاینیزللك رئیس اوله و رئیس نایلره و اعضایه و میزله و راپورتور ملازمه شاملدر . رئیس اولك معاشی ۳۰۰۰۰ فرانقدر . كرك رئیس اول كرك رئیس نایلره اعضا ایچون تحدید سن یتش بشدر (دیوان محاسبات ۱۹ مارت ۱۸۵۲ تاریخلی امرنامه ك برنجی ماده سی موجبجه بو خصوصده محكمه تمیز اعضاسنه بکزه دلشدر) رئیس نایلرك اوتوز یاشنی اكمال ایتش اولملری لازمدر . معاشلری ۲۵۰۰۰ فرانقدر . اعضانك دخی اوتوز یاشنی اكمال ایتش اولملری لازمدر . معاشلری ۱۸۰۰۰ فرانقدر . میزله ایکی صنفدر . التمشی ایکنجی و بکرمی آلتیس برنجی صنفدر . برنجی صنف میزلدن بریسی مدعی* عمومی معاونلكی وظیفه سنی ایفا ایدر . اشبو ایکی صنف میز اده سنده معاشدن بشقه بر فرق یوقدر . ایکنجی صنف میزلك معاش و سطیسی ۸۰۰۰ و برنجی صنفلك ۱۲۰۰۰ در . میزلك ۲۵ یاشنی اكمال ایتش اولملری لازمدر . بونلر ایچون تحدید سن یتشدر (استیناف محاکمی اعضاسی کبی) . میزلك معاشاتی حقیقت حالده اوج مختلف قسمدن مرکبدر . اولامقن اولان معاش (ایکنجی صنف ایچون سنوی اوج بیک و برنجی صنف ایچون سنوی یدی بیک) ثانیاً تخصیصات Préciput (هر صنف ایچون اوج بیک فراتیق) ، نالکاً آلتی آیده برویرلك اوزره سنوی ایکی بیک

فرانته قدر مکافات در. ملازملر دخی ایکی صنفدر. اون دانه سی ایکنجی صنف اون بش دانه سی برنجی صنفدر. انجی ملازملر آره سنده کی فرق صنفلردن دولای دکلدر. ملازملردن بر قسمی طوغریدن طوغری به راپور تنظیم ایدرلر و بور راپور اوزرینه یازیلان اعلاملری امضا ایدرلر. راپورتور اولیان ملازملر ایستر برنجی صنفدن اولسون ایستر ایکنجی صنفدن بولسون ایکی بیک فرائق معاش آلورلر. راپورتور ملازملر عینله میز لک وظائفی حائر و امتیازاته مظهردرلر. بناء علیه لایعزلدرلر. ایکی بیک فرائقدن عبارت اولان معاشلردن بشقه مکافاة اوله رق سنوی بیک ایکی یوز فرائق ده ا آلورلر. باش کتب اون ایکی بیک فرائق معاش آلور.

وظائفی

وضعت بخنده ذکر اولندیی اوزره دیوان محاسبات اولای عمومی محاسبلر طرفدن ویریلن حساباتک تدقیق و محاکمهی وظیفه سیله مکلفدر. آمر اعطالر حقیقه هیچ بر صورتله حق قضایی یوقدر. هر سه مجلس مبعوثانه تودیع ایدلک اوزره عمومی مطابقت بیاننامه لری ویرر. بوندن بشقه هر سه رئیس جمهوره ویردیکی راپورده ایفا ایتدیکی امورک نتایج عمومیه سی و حساباتک مختلف قسملرنده اجرایی مقتضی کوردیکی اصلاحات و تعدیلاتی عرض و تکلیف ایلر. اشبو وظائفدن محاسبلرک تدقیق و محاکمه حساباتی وظیفه سی بروجه آتی اجرا اولنور: دیوان حساباتک تدقیقانه تابع اولان محاسبلر ایکیه آریلور. بر قسم عظمی ایچون دیوان محاسباتک حق قضایی مطلقدر. بونلرک حساباتی یالکز تدقیق ایدلر. بلکه هر بری حقیقه حقیقی بر محاکمه جریان ایدر. و دیوان محاسبات حسابیه حکم ایله اعلامه ربط ایدر. لکن بعض محاسبلرده

وارد در كه اجرا ايتدكلى معاملاتك خصوصيت حاله نظراً ديوان محاسباتك حق قضاسنه يك ده تابع اوليوب انحق تفتيشنه تابع در . مثلاً : عيinat محاسبلى وعساكر بریه وبجریه‌نك معاشات جدولارینى تنظيم ايله مكلف اولان طابور مجلس اداره‌سى حسابانى كي . عيinat محاسبلى حساباتندن آيیده بحث ايديله چكى جهتله بوراده عساكر ك يوقلمه لرى حقنده كى قوتورولندن برنبذه بحث ايدله : عساكر بریه وبجریه معاشاتى اولاطابور مجلس اداره‌سنه وياخود طابورلرك معاملات نقدیه‌سى اداره‌یه مأموراوان ضابطانه وزنه دار عمومى طرفندن تسویه اولور . ايمدى ديوان محاسبات اشبو وزنه دارلر حساباتك انناى تدقيقنده تأدياته مطلع اولور . فقط تدقيق يالكز تأديه‌نك وقوع بولوب بولمديغى تحقيقه منحصر بولور . طابور مجلس اداره‌سى وياخود مفرزه قوماندانلى پاره‌يى آلدقلى زمان ارباب استحقاقه تسويه مأموردلر . بولر هر اوج آيده بركره يوقلمه جدوللرى ذيلان بو حساباتى تنظيم ايدرلر كه اشبو حسابات ديوان محاسباتك تفتيشنه تابعدر . ديوان محاسبات اوزمان اشبو حساباتك طوغرى اولوب اولمديغى تدقيق ايدر . لكن بونى براعلامه ربط ايتز . بلكه علاقه دار اولان ناظره نتيجه تدقيقاتى بيلدير مكله اكتفا ايدر ومطلع اولدينى يولسز قللى ناظره بيلدير . ناظر دخی ديوان محاسباتك بومطالعہ‌سى اوزرينه معاملہ‌يى تصحيح ايتدير درك نتيجه‌سندن معلومات اعطا ايدر .

ديوان محاسباتك حق قضاسنه تابع اولان محاسبلى حساباتى . — برصورت عموميه‌ده دولت محاسبلى يعنى نقده واضع ايلد اولان كمه لرك كافه‌سى ديوان محاسباتك حق قضاسنه تابعدر (ايسترسه بو ذات فضولى اوله رق اموال دولته وضع يد ايتش بولنسون ينه محاسب عد اولتور) بنابرین دولت محاسبلى له دپارتمان محاسبلى عموميتله ومنحصراً ديوان محاسباتك حق قضاسنه تابعدرلر . فقط نواحى محاسبلى له مؤسسات

عمومیہ (خستہ خانہ لڑ، مؤسسات خیریه، سٹلخانہ، بیمارخانہ، مرہونات صندوق الخ) محاسبی بولیہ دکلدرد۔ قوانین ونظامات مخصوصہ سی اقتضاسنجہ صوگ اوج سنهك واردات دائمہ سی اللی بیک فرانقی تجاوز ایدن نواحی ومؤسسات محاسبی دیوان محاسبانہ حساب ویرمکله مکلف ایسہلرده بوندن اشاعی وارداتی اولان محاسبیك حسابی ولایات بحالی کوریر۔ انجق محاسب طلب ایدرسه اشو حسابات دیوان محاسبانہ استینافاً تدقیق اولئور۔ (دیوان محاسبانك تدقیق ابتدایی نواحی حسابی واردات ایچون بودجهك موادی اوزرینه تخنات وتحقیقات وتحصیلاتی (سنہ سی ومدت متممہ سی ظرفندہ کی تحصیلات آیری ستونلرده کوسترملک شرطیلہ) وبقیہ تحصیلاتی؛ مصارف ایچون کذلک بودجهك موادی اوزرینه مرتب مخصصات وتادیات (سنہ سی ومدت متممہ سی ظرفندہ کی تادیات آیری آیری ستونلرده کوسترملک صورتیلہ) وبقیہ تخصیصاتی ارانہ ایدر۔ مصارفندہ تحقیقات یوقدر وحسابك صوکنده سنہ نہایتندہ کی حال مالی ارانہ اولئور۔ مثلاً ۱۹۰۷ سنہ سی نہایتندہ یاپیلان حال مالی شویله در: ۱۹۰۷ سنہ سی ظرفندہ ۱۹۰۶ سنہ سنہ عائد اوله رق تحویل اولئان واردات ایله ۱۹۰۷ سنہ سنہ عائد اوله رق آلئان واردات وبودجه خارجنده کی مقبوضات مجموعندن اوسنہلرہ عائد اولق اوزرہ تادیہ ایدیان مصارف وبودجه خارجنده کی مدفوعات یکونی بعدالتزویل قلان بقیہ یسنہ ابتداءندہ کی موجود صندوقده علاوہ ایدلد کده سنہ نہایتندہ کی موجود صندوق تبین ایتمش اولور۔ (اشبو حال مالیدہ بودجه داخلندہ کی تحصیلات وصریات آیری، بودجه خارجنده کی مقبوضات ومدفوعات دخی آیری ستونده کوستریلور۔) بوندن بشقه برده دورہ حسابیہك حال مالیسی ارانہ اولئور مثلاً ۱۹۰۷ سنہ سی دورہ حسابیہك حال مالیسنده اولاً ۱۹۰۸ سنہ سنك ایلک اوج ماهی ظرفندہ ۱۹۰۷ سنہ سنہ محسوباً وقوع بولان تحصیلات ثانیاً ۱۹۰۸ سنہ سنك ایلک درت ماهی ظرفندہ ۱۹۰۷ سنہ سنہ محسوباً اجرا ایدیلن صریات

یازلدقیدن و بونلره ۱۹۰۷ سنه‌سی ظرفنده کی تحصیلات و صرفیات دخی علاوه ایدلکدن صکره نتیجه‌ده تبین ایدن فضلّه وارداته ۱۹۰۶ سنه‌سی دوره حسابیه‌سندن مدور فضلّه واردات‌ده (وار ایسه) علاوه ایدیلرک محنت حسابیه‌نک حال مالیه‌سی الله ایدلش اولور . هرلواده بولنان مالیه تحصیلدارلری ناحیه حسابلرینک تدقیقه مأموردر . فرانسه‌ده ۳۶ بیک ناحیه موجود اولدینی جهته اوقدرده حساب اولق لازم‌کلیر فقط بعضی نواحی یک اوفق اولدقلری جهته ایکی اوج ناحیه حسابی بر محاسبه کوردیرلمکده‌ایسه‌ده هر ناحیه ایچون آیری آیری حساب تنظیم ایدلمکده‌در دوره حسابیه‌نک ختامنده ناحیه محاسبلری حسابلرینی اوراق مثبتیه‌سیله برابرلوا تحصیلدارلرینه کوندیرلر و اول باول حسابک انلر طرفندن تدقیق لازم‌کلیر . بوتدقیقات نتیجه‌سندن اکمال اولنه‌جق برجهت کوریلورسه اکمال ایتدیریلور و آندن صکره کنیسنه اعاده اولنور اوده حسابی عائد اولدینی سنه‌ی ولی ایدن سنه‌نک ایلولی ابتداسنده دیوان محاسبانه کوندرد حتی حسابک ایچنده لوا تحصیلدارلرینک کوردیکنه دائر مائی برکاغد واردن بومائی کاغذ اولمازسه حساب اعاده ایدیلور . حسابی میعادنده ویرمیان محاسبلر حقنده هر آی تأخر ایچون دیوان اللی فرانقندن یوز فرانقه قدر جزای نقدی حکم ایدر . بو حکم اوراق مثبتیه‌ی تماماً ویرمیان محاسبلره‌ده تشمیل ایدیلور انجق ابراز ایدلمن اوراق مثبتیه‌ محاسبک ذممدار عد ایدلمنی تصدیق ایدمک ماهیتمه اولمادجیه اشبو حکم محل تطبیق بوله‌ماز . عکسی حالده دیوان محاسبات محاسبی ذممدار عد ایدمیه‌جکی جهته جزای نقدی حکمنه محل یوقدر . دیوان محاسبانه ورود ایدن نواحی حساباتک تدقیق ایچون اوراق مثبتیدن ماعدا اوراق اصلیه (Pièces principales) نک دخی تسیر ایدلمی لازم‌در . اگر اشبو اوراق اصلیه نقصان اولورسه مدعی عمومی واسطه‌سیله جلب اولنور و کتجه‌یه قدر حسابک تدقیقاتنه کیریشیه‌من . اشبو اوراق اصلیه شونلردر:

۱ — بودجه (عادی و فوق العاده) ۲ — آمر اعطا اولان ناحیه مدیرینک حسابی ۳ — Etat passif یعنی ناحیه بورجلی ایسه مقداری ، ۴ — Etat actif یعنی ناحیه آله جقلی ایسه انک حسابی و برده ناحیه نك املاك و ایرادی ۵ — قاصه موجودینک تعداد مضطه می ۶ — ناحیه مجلسنک اشو حساباتی تصدیقی (یعنی هم ناحیه مدیری هم ده ناحیه محاسبی حسابلرینک تصدیقی) .

نواحی حساباتی ایچون پارلمنتویه مطابقت بیاننامه می ویرلمدیکندن ناشی ایکی اوج سنه لك حساباتك بردن تدقیقاتی اجرا ایدلك موجب سهولت اولدیفندن بویه یالقمده در (نواحی بودجه لری دولت بودجه ندن آیری اولوب بحالس اداره و لایانجه تصدیق ایدلكده در) حساباتك تدقیقاتی شو وجهله اولور :

اولا : مخنجات و محصصات کوندریلن بودجه ایله ثانیاً آمر اعطای حسابنک یکنونی محاسب حسابنک بکونیلله ثانیاً ؛ صندوق موجودلری تعداد مضطه لرله تطبیق اولنور. رابعاً واردات تحقیقاتی ایچون هر ماده نك مفرداتی حاوی اوله رق محاسبلر طرفندن تنظیم و آمر اعطا اولان ناحیه مدیرلری جانبندن تصدیق اولنان ایضاً خامه لر کوریلور. تحصیلات ایچون اوراق مثبته یوقدر چونکه تحصیلات وزنه حسابیله قونترول ایدلش دیمکدر . بقیه ایسه تحقیقاتك انشای تدقیقنده رؤیت ایدلش بولندیفندن تدقیقه دکنر. مع هذا تحقیقاتك اوراق مثبته می کورلدکدن صکره تحصیلاتی ایچون بشقه جه اوراق مثبته طلب ایدوب کورمك موجب مشکلاتدر . خامساً ؛ صرفیات ایچون اوراق مثبته کورمك لازم کلیر . اشو اوراق مثبتنك انواع و ماهیاتی هر نظارت ایچون نظامات مخصوصه ایله تعیین ایدلشدر . نمونه اولاق اوزره مصارف عسکرینك هر بری ایچون دیوان محاسبانه نه کی اوراق ابرازی لازم کلدیکنی مین تعلیماتنامه تقدیم ایدلشدر . بنابرین اوراق مثبتنك انواع و ماهیتی نظاماً معیندر

بویله اولسه ییدی میز لرك اجتہادلرینه کوره اوراق طلب ایتملی ایجاب ایدر ایدی که بونک ده مخدوری اشکاردر .

تدقیقاتمز انسانده بری معاشه دیکری مصرفه عائد ایکی ورقه مثبتہ کورلندی ؛ معاشه عائد اولاتی شو ووجهله تنظیم ایدلمشیدی : مأمورینک اسامیسی و مأموریتلری و مقدار معاشلری و هانکی ماه معاشی اولدیغنی آمر اعطائک امضانی حاوی برورقه ده محرر اولهرق تأدیہ سی محاسبہ امر ایدلمکده و صاحب معاش اشبو ورقه یی امضا و پول الصاق ایدرک معاشنی المقده اولدیگی کورلمشدر . اشبو اوراق مثبتہ مربوطی اولان بوردر و دخی حساب یکونیلہ تطبیق ایدیلور . مصرفه عائد اولانی ایسه شو ووجهله ایدی : مناقصه قائمه نك صورت مصدقه سی (اوفق تفك اشیا مبايعه صورتیلہ آلتدیغندن بونلرك مناقصه قائمه سی یوقدر) آمر اعطائک امضانی حاوی تسلیم علم و خبری و صاحب مطلوبک اچهنك قبضنی مشعر مقبوض سندى . بو اوراق مثبتہ نك تطبیقاتی ده طبق معاشات اوراق مثبتہ نك تطبیقاتی کیدر . مصرف اوراق مثبتہ سی میانده صاحب مطلوبک مقبوضنی حاوی سند ابراز ایدلمزسه ابرازینه دکن محاسب تبرئه اولنماز وینه ابراز ایدلمدیکی حالده ذمتہ حکم اولهرق کفالت اچهنندن توقیف اولنور . انجق تسلیم علم و خبری و مناقصه قائمه سی صورتی کبی اوراق مثبتہ نك تأخیر ابرازندن ناشی برائت حکمی تأخیر ایدلمز . واردات اوراق مثبتہ نك تحققاته عائد اولهرق طلب ایدیان اوراق ناظر عائدینه یازیلهرق کتیر دیلور . محاسبک برائی بوندن طولانی تأخیر ایدلمز . اشبو تطبیقات نتیجه سنده میز لرحه تنظیم اولتان راپور بروجه آتی اقسامدن مرکبدر : اولاً ؛ حسابک تدقیق ایدیلہ جک حالده اولدیغنی یعنی یوقاریده ذکر اولدیغنی ووجهله اوراق اصلیه نك تماماً ورود ایتدیکی بیان اولنور . ثانیاً کچن سنه ویرلمش اولان اعلامده کی ملاحظاته قارشو محاسبلرك ویردیکی جوابلر تدقیق اولنور . اشبو جوابلر کافی کوریلورسه اشارت

ایدیلور . کافی کورلر سه ينه سوريلور . ايدلشكي قالميان مواد ايجون محاسبه برائت ويريلور . ثالثاً حسابك واردات قسمی تحصيلاتی يازيلور . يعنی محاسب حسابی شكلنده اوله رق كرك سئمه سی كرك مدت متممه سی ظرفنده کی تحصيلات ايری ايری كوستريلور . وحسابه مطابق ايسه مطابقتی اشارت وخطالی ايسه سهوی اراثة ايديلور . وسئ آتیه حسابنده نظر دفته آلمنی لازم كان شيلر وارسه آنلرده كوستريلور . رابعاً تحقيقات و تحصيلات مقداری اينه بقایای ترقیم اولنور . بعده اصل وارداتك حساب قطعیسی بالفرض ۱۹۰۷ ، ۱۹۰۸ سنه لرنده شوقدر تحصيلات اولمشدر ديه اراثة اوليور . خامساً مصرف وحتی واردات کی ترقیم اوانوب يالكز تحقيقاتی يوقدر وراپورك نهايتنده حسابده اولدینی کی ایکی حال مالی كوستريلور . اشبو راپور اوزرينه جريان ایدن معامله آتیده سوبلامشدر . نواحی حسابنه ملفوف اولان آمر اعطا يعنی ناحیه مدیری حسابيله محاسب حسابك شو فرقی واردر . محاسب حسابنده عرض ايدلديکی وجهله بری وزنه نك ديکزی بودجه نك اولمق اوزره ایکی حال مالی كوريلور . آمر اعطا حسابنده ايسه يالكز بودجه نك حال مالیسی كوريلور .

شیمدی ده Trésorier payeur général حساباتندن بحث ایدم: اشبو محاسبلرک حساباتی نواحی محاسبیری حساباتی کی ايسه ده يالكز بر فرقی واردر . اوده اشبو حسابك ایکی قسم اولمشندر بو قسملردن برنجیسی سنه مالییه اوزرينه در مثلاً ۱ کانون ثانی سنه ۹۰۸ دن ۳۱ کانون اول سنه ۹۰۸ تاریخته قدر وقوع بولان بالمله معاملاتی محتویدر يعنی تحقيقات و تحصيلات بعدالاراثه بونك زیرينه ۹۰۷ سنه نك دوره متممه سی اولان ۱۹۰۸ سنه نك ايلك اوج آبی ظرفنده کی تحصيلات يازيلور . وبو يکونه ۱۹۰۸ سنه سی ظرفنده بودجه خارجی اوله رق وقوع بولان تحصيلات وسئ ابتدا سنده کی موجود دخی ضم ايديلور .

و بوضوئله وزنه نك ۱۹۰۸ سنه سی ظرفنده کی بالعموم مقبوضاتی کوسترلش اولور . مصرف جهتنده دخی بو منوال اوزره در یعنی ۱۹۰۸ سنه سی کانون نایسنگ برنجی کوندن سنه مذکوره کانون اولی نهایته دکن ۱۹۰۸ سنه سنه عابد تأدیات یکونه ۱۹۰۷ سنه سنک دوره متممه سی اولان ۱۹۰۸ سنه سنک ایلک درت ماهی ظرفنده کی تأدیات ده علاوه و ۱۹۰۸ سنه سی ظرفنده کی بودجه خارجی مصارفات ضم اولنه رق سنه مذکوره ظرفنده کی وزنه نك مدفوعاتی کورلش اولور بوکا سنه اخرنده کی موجود صندوق مقداری ده ضم ایدلده مقبوضانه متقابلاً مدفوعات عمومی یکونی ده اراثة ایدلش اولور . اشبو قسملردن ایکنجیسی ۱۹۰۸ سنه سی دوره متممه سی یعنی ۱۹۰۹ سنه سنک ایلک درت آبی ظرفنده کی تحصیلات و تأدیاتی کوسترر صورتده ترتیب اولور ومدت متممه واردات ایچون اوچ مصارفات ایچون درت آیدر) . ولایانده بولسان Trésorier payeur général حسابلرنده هر نظارت نامنه اختیار اولان مصارف آیری آیری کوستریلور و تأدیات ایکی ستونه آیریلور بریسی اعطا امریله وقوع بولان تأدیات دیگر کی تخصیصات حواله سنه مستند اولان تأدیاتدر . اشبو حسابک برنجی قسمی دوره حسابیه بی ولی ایدن سنه نك اغستوسی ابتداسنده دیگر درت آیلنی تشرین ثانی ابتداسنده دیوان محاسبانه ورود ایدر بو حساب اوزرینه دیوان محاسبانه اجرا اولنه حق تدقیقات دخی نواحی حسابلری حقنده اجرا ایدیلن تدقیقاتک عیندر .

دیوان محاسبانه ورود ایدن بالعموم حساباتک دیوانجه نه کی قیوداته تابع اولدینی ونه صورتله تدقیق وانتاج ایدلدیکی اکلاشلمق ایچون بر حسابک کچردیکی صفحات متعدده تدقیق اولندی :

دیوان محاسبانه ورود ایدن حسابات باش کاتب طرفدن رئیس اوله تقدیم اولور والنده ایشی اولیان بر ممیزه حواله سی اجرا ایتدیریلور .

مقام ریاستدن بعد الحواله اوراق قلمندہ دفتر مخصوصہ قید اولور .
 اشبو قلمدہ حسابہ برلکده کلن اوراق مثبته فک ایدیلہرک حفظ ایدنک
 اوزرہ مخزن اوراقہ وریلور ریاست طرفندن وقوعبولان حوالہ اوزرینہ
 قلمہ اعاذہ ایدیلن حساب ایچون باش کاتب طرفندن ممیزہ اخبار کیفیت
 ایدیلور . و ممیز کلوب حساب قلمدن واوراق مثبته سنی مخزن واوراقدن
 آلور . اوراق قلمندہ طوتیلان اشبو دفتر دواثر حسابیہ نک حروف
 هجاسی اوزرینہ مرتبدر ودفترک بر طرفنہ حسابک تاریخ ورودی ،
 محاسبک مأموریت واسی ، حسابک سنہ سی و تاریخ حوالہ سی یازیلور .
 ممیز اشبو تاریخ حوالہ نک یانہ امضا ایدرک حسابی آلور دفترک دیگر
 صحیفہ مندہ اعلامک تنظیمی تاریخی و محاسبہ تاریخ ارسالی موقت ویا
 قطعی قرارلر ویا برائت قرارلری تاریخی محرردر . بو دفتر بر سنہ یه
 عائد حساباتک قیدینہ مخصوصدر . حساباتہ متعلق اولہرق بالاخرہ دیوان
 محاسبانہ کوندربلن اوراق مثبته ایله اجرا قلنان مخبرات مسلسل نومرو
 آلتندہ بر دفترہ قید اولنقلہ برابر حساب ویرن دواثر اسامینک حروف
 هجاسی اوزرینہ مرتب اوچنچی بر دفترده او حسابک مقید بولدیغی
 خانہ یه ده بو مسلسل نومرو اشارت ایدیلور . و بو قیل اوراق مثبته
 ریاستدن حوالہ ایتدیلمنہ حاجت قالمق سزین حسابک محول اولدیغی
 ممیزہ وریلور . بو اوچ دفتردن ماعدایکی دفتر واردرکہ برئده ممیزلرک
 اسملری حروف هجاسیله مرتبدر یعنی بر ممیزہ هانکی تاریخلرده نہ کی
 حسابلرک حوالہ ایدلیدیکی و بونلرک نہ تاریخلرده هانکی حسابلری انتاج
 ایتدیکی کوسه تریلور . دیکرندہ هانکی ولایت ویا دائرہ نک هانکی سنہ
 حسابک هانکی تاریخده کلدیکی محرردر (بزده اولدیغی کی) . ممیزلرک
 اسمی اوزرینہ مرتب اولان دفترلہ حسابات اسامیسی اوزرینہ مرتب
 اولان دفتر یکدیگری قوتتول ایدر اشبو قلمدہ هر ممیز ایچون براوفق

دوسیه وارد بر دو سیه ده میزه حواله ایدیلوبده هنوز تودیع اولمیان
اوراق حفظ اولنور .

—(۳) اوراق مثبته مخزنـی (۳)—

اوراق مثبته‌ی حاوی اولان پاکتلی تاریخ ورودلی اعتباریله بر
وارد دفترینه قید اولنور اشبو دفترده اول صره نوهروسی ثانیاتاریخ
ورودی ثانیاً حسابات ماهیتی رابعاً اوراق مثبته پاکتلینک عددی
خامساً اوراق مثبته‌نک وضع ایدلیکی محل یازیلور بعده ده بو دفتری
دینیلان دیگر بر دفتره اندن صکره محل حفظی اعتباریله طوتیلان بر
دفتره قید اولنور . اشبو اوچ دفترده کی معلومات بر برینه مطابق شو
صورتله که هر هانکی بر حساب ایچون اوراق مثبته‌نک وضع ایدلیکی محل
واوراق مثبته‌نک کمیتی و دیوان محاسباته تاریخ ورودی در عقب بولنه بیلور .
هر حسابیه محاسبیلر طرفدن ترتیب ایدلمش بر انواتر لف ایدیلور .
اشبو انواتر هر پاکت اوراق مثبته‌نک علی الاجال محتویاتی کوستر .
معاملات دیگر اوراق مخصوصه اوزرنده تصنیف ایدلمش اولدینی جهتله
بونک نتیجه‌سی اوله رق اگر بر مصرفک بالنی وصاحب استحقاقک اسی
ویا مصرفک تعلق ایندیکی نظارت و بودجه فصلی معلوم اولورسه اوراق
مثبته‌سی در حال بولنه بیلیر . حسابات تدقیق و حکم و اعلامه ربط ایدلدکن
صکره اوراق مثبته پاکتلی حفظ ایدیلجهک محله کوندریلور . راپورلر
و اعلاملر حسابک ماهیتی و سنه‌سی صره سیله تصنیف اولنور . حقنده مطالعه
مخصوصه بیان ایدیلن و یا هر هانکی بر سیله حسابدن چیقارتیلان اوراق
خصوصی دوسیه لرده حفظ ایدیلور و بونک ایچون طوتیلان دفتر مخصوصه
قید اولنور .

اشو دفتر لک تدقیقہ ۱۹۱۰ سنہ سی ظرفندہ دیوان محاسبانہ ۵۶۶۹۱ پاکت اوراق مثبتہ کلیدی اکلانشلمشدر۔ اوراق مثبتہ بالادہ کی افادہ دن اکلانشدینی وجہلہ دیوان محاسبانہ حفظ ایدلایکندن (دیوان محاسبانہ) الیوم اشغال ایتدیکی بنا صورت موقہدہ دیوان محاسبانہ اتخاذ ایدیلن بر محلدر۔ انجق دیوان محاسبانہ قرق سنہ دنبری اشو موقت دائرہدہ اضافی وظیفہ ایتکدہ ایسہدہ یکی یاییلان واون دوت قاندن عبارت اولان بنایہ هنوز نقل ایدلمش فقط اوراقک بر قسم مہمی اورادہ حفظ ایدلایکندن بنانک یدی قاتی اشو اوراق ایلہ طولدیغندن دہا شمیدن دیگر اوراق دہ پوری یایدرمق مجبورتی جس ایدلمشدر) وبعض اوراقک الی نہایہ وبر قسمک ۳۰ وبعضیلرینک ۱۰ سنہ حفظ ایدلمری اقتضا ایتدیکنندن اشو اوراقک ہر سنہ مقداری تزیاد ایتکدہدر۔ مأمور مخصوصک افادہ سنہ کورہ ہر سنہ الی بیکی متجاوز پاکت اوراق کلیدی حالہ انجق یکرمی اوتوز بیک پاکت احراق ایدلمکدہدر و بونک نتیجہ سی اولہرق الیوم بش یوز بیک پاکت اوراق مثبتہنک متراکم بولندینی اکلانشلمشدر۔

حسابی تدقیق ایدن میز اوراق مثبتہنک کافہ سی بردن آلمیہرق جستہ جستہ آلور وبعدالتدقیق اعادہ ایدر۔ بومعاہلاتک قیدینہ مخصوص بردفتر وارددر۔ حسابک حوالہ ایدلایکی میز واردات و صریقاتی اوراق مثبتہ سیلہ تدقیق ایتدکدن صکرہ بر راپور تنظیم ایدر۔ اشو راپور دیوان محاسبانہ اوچ دائرہ سندن برینہ تقدیم اولتور۔ (حسابک ایلمک حرفہ کورہ اوچ دائرہدن بری وظیفہ دار اولور مثلاً : A حرفندن باشلا یہرق F حرفہ قدر اولان حسابلر بردائرہ G حرفندن O حرفہ قدر اولان حسابلر دیگر دائرہ اندن صکرہ کی حرفہ باشلایان حسابلر اوچنچی دائرہ حوالہ اولتور) دائرہ رئیس ثانیسی راپوری اعضادن برینہ حوالہ ایدر اشو اعضا حسابک اوراق مثبتہ سندن لاغلی التعیین بعضیلرین کوزمکہ حائر صلاحیت ایسہدہ ممیزہ عدم امنیتی اشراہ ایتدیکی جہتلہ فہلاً بوقیل

تدقیقاته کیرشمه مکده درلر . اعضا مطالعاتی شفاهاً سویلر، دائره ده حسابنه محاکمه ایدیلور ایکن راپور فقره فقره او قنور و رئیس ثانی طرفندن هر فقره ایچون اتخاذا ایدیله جک قرار راپورک کنارنده کی بوش بر اقیلان بحله یازیلور وبعده اعلام تحریر ایدلمک اوزره راپور ممیزه وریلور . ممیز اعلام مسوده‌سی احضار ایتدکدن صکره رئیس ثانی به تقدیم ایدر . رئیس ثانی ایجاب ایدن یرلری بعدالتصحیح اعلام تبیض اولنور . رئیس اول ایله ثانی و ممیز اعلامی امضا ایدرلر و بواعلام دیوان محاسبانده راپور ره ربطاً حفظ اولنور . اعلامک بر تاریخچه‌سی باش کاتب طرفندن مصدق اوله رق محاسبه و دیگر کی مالیه به کوندریلور . راپورک ایلک صحیفه سنک محل مخصوصنده و اعلامک صوک فقره سنده مذاکره حاضر بولان اعضا سنک اسامیسی یازلق لازمدر ، چونکه رئیسدن بشقه درت اعضا بولنبدجه حکم صلاحیتی یوقدر . حساباتک انشای محاکمه سنده مدعی عمومی استماع اولتماز ایسه ده دائره جه مطالعه سنک التمه لزوم کورندیکی تقدیرده دعوت اولنور و فقط رأیی بیان ایتدکدن صکره دائره بی ترک ایتسی لازمدر . بوندن بشقه وظیفه مسأوره‌سی نهایت بولان بر محاسبک صوک حسابی کوریلوبده کفالت ایچمسی استخلاص ایده جکی زمان (quittus) مدعی عمومینک رأیی شفاهاً اولماز ، انجق راپورک زیرنده تحریراً بیان ایدلمک لازم کلیر احوالده ممیز راپورینی تنظیم ایتدکدن صکره دائره به کلکسزین مدعی عمومی به تودیع اولنور وبعده دائره به کلور .

حساب قطعی تطبیقاتی و مطابقت بیاننامه‌لری . - مالیه نظارتنک محاسبه عمومی مدیریت عمومی سنجه طوتلش اولان عمومی ژورنال و دفتر کیرندن تشکیل ایدیلان حساب عمومی هر سنه نظارت مذکوره جه نشر اولنور . اشبو حساب خزینهنک حقیقی سیتوآسونی حقه‌ده الک واسع ، واک قطعی معلوماتی محتویدر ، اصل نظار حسابلری پارلمنتویه تودیع اولتماز ، لکن پارلمنتونک ایقای وظیفه ایتسی ایچون پک قیمتلی معلوماتی احضار

ایدر. بوحسابك نتایجده کی قطعیت هر درلوشبه و تردیدن ازاددر چونکه بر طرفدن نظار حساباتك تدقیقه مأمور اولان پارلمنتو قومیسینونك قوت و تولیه و دیگر طرفدن دیوان محاسباتك ویره جکی عمومی مطابقت بیاننامه لریله مؤیددر. حساب عمومینك شكل تنظیمی ۱۰ کانون اول سنه ۱۸۲۳ و ۱ ایلول سنه ۱۸۲۷ تاریخی امرنامه لریله تعیین ایدلمش ایسه ده مؤخر آ ۱۹ نیوس سنه ۹ تاریخی قانونك اوچنچی ماده سنده بواساس شوصورتله تعدیل ایدلمشدر: دولك واردات و مصارفات حساب عمومینی هر سنه مالیه ناظری طرفدن تنظیم و قوه تشریعییه ایرتسی سنه نك نهایت دردنجی آبی طرفنده تقدیم ایدلك لازم کثیر. حساب عمومی مالی ۱۰۰۰ صحیفه بی متجاوز ۱۸۹۸ سنه سندبری ایکی جلدده منقسم بیوک برکتاب وجوده کثیر. بو کتابك ایکنچی قسمی صورت مخصوصه ده دیون عمومیه نك حسابات مختلفه سنه تخصیص ایدلمشدر. بنابرین اشبو حسابك مطالعه سی اولدجه مشکل و محتوی اولدینی معلومات مهمه نك استنباط و استخراجی مسائل مالیه ده حائر رسوخ و اختصاص اولغه متوقدر. مطالعات و تدقیقاتی تسهیل ایتك مقصدیه اداره مالیه برقاچ سنه دبری حساب عمومینك بر خلاصه سی نشر ایتکده درکه اشبو خلاصه ده حساب قطعینك محتوی اولدینی متعدد طابلوردن مستخرج ارقام صحیفه و ایضاحات کافیه مندرجدر. ۲۳ تشرین ثانی سنه ۱۹۰۲ تاریخی قانونك اون التنجی ماده سی اقتضاسجه اداره مالیه نك حساب عمومینی هرا کسر سیز ایچون سنه آتیه نك تموزینك ۳۱ ندن اول نشر اولمق لازم کلور. حساب عمومینك مرکب اولدینی و نائق باشلوجه اوچ قسمه تقسیم ایدیله بیلور.

۱ — حسابات عمومی ۲ — دیون عمومی حساباتی ۳ — خدمات عمومی مختلفه حساباتی بونلردن حسابات عمومی بودجهیه تعلقی اولان معاملات ایله (تره زوروری) معاملاتی و امور مالیه نك حال عمومی کوستر. بونلر آتی دانه در: اولاً؛ سنه نك معاملاتی حسابی.

بوحساب حقیقی بر gestion حسابیدر که سنه ظرفنده اجرا ایدلش اولان بالجمله بودجه معاملاتیله (تره‌زوروری) معاملاتنك تکرارندن عبارتدر. بوحسابك باشلوجه قسملری B, C, D حرفلری آلتنده تقصین ایدلشددر. حساب سنه ابتداسنده بالعموم محاسبلر نزدنده موجود اولان نقود ایله جزؤدان موجودلریخی کوسترر. بعده سنه ظرفنده بالجمله مقبوضات ومدفوعات عمومیه‌سنی «بودجه واردات ومصارفی آیری تره‌زوروری حاصلات وصریفاتی آیری» ارائه ایدر. بوندن صکره کانون اول نهایتنده کی موجودی کوسترر. بوحساب وارداتك اقسامنه ومصارف ایچون نظارتله «بودجه معاملاتی» کوره. وخدماتك انواعنه «خدمات خصوصیه وتره‌زوروری معاملاتی» نظراً ترتیب اولمشدر. محاسبلرک انواعنه کوره [*] ترتیب اولتان خلاصه‌لر دیوان محاسباتك سنه‌لك مطابقت بیاننامه‌سی ویرمسی تسهیل ایدر.

[*] محاسبلرک انواعی بروجه اتی ایضاح اولنور :

عمومی بودجه‌ده محررواردات ومصارفك استیفا وایفاسی ایچونده بارملاندده اولا Trésorier payeur général ذیلن مأمورین وارددر. اشومأمورین معیتنده Receveur des finances و Percepteur اطلاق ایدیلن مأمورین دخی موجوددر. Trésorier général معیتنده بولان اشبو مأمورین مالیه حساباتی بالاجال دیوان محاسباته سنه‌لك برحساب وزیر. حسابك اوراق مثبتیه‌سی هر آی غنیه‌سنده فصل اوزرینه مرتب اوله‌رق مالیه نظارتنده کی محاسبه عمومیه اداره‌سنه کوندریلور. اداره عمومیه مذکوره اشبو اوراق مثبتیه اوزرینه کندی حساباتی ترتیب واوراقی بودجه فصول وموادى اوزرینه مرتب اولدینی حاله دیوان محاسبته تیار ایدر. دیوان محاسبات اشبو حسابی اوراق مثبتیه‌سیله تطبیق وهر ده پارغان ایچون برراعلام اعطا ایدر.

ثانیاً : Régies Financières نام عمومیه‌سی آلتنده بولان و (۱) Enregistrement (۲) Indirecte (۳) Douane (۴) Poste et Télégraphe (۵) Manufacture (کبریته، توتون وسائره) قسملرینه آیریلان مأمورین موجوددر. اشبو محاسبلردن پوسته وتلغراف وکمرک محاسبلری حسابلری تره‌زوریه ژانرال کیدر. دیگرلرینه یعنی Indirecte, Enreg-

ثانیاً : تکالیف و واردات عمومیہ نك حسابی : — بو حساب بر چوق طابلوردن مرکبدرکہ بوطابلورده تحقیقات ، تحصیلات وبقیہ تحصیلات کورینور. تحصیلات سنہ ظرفندہ قبائش اولان دورہ حسابیہ عائد اولدینی کی دوام ایتمکده اولان دورہ حسابیہده عائد اولہ بیلور . ثالثاً ؛ مضارف عمومیہ نك حسابی . — بو حسابده تحقیقات ، تأدیات وبقیہ تأدیات کورینور وهر نظارتک عینی دورہ حسابیہده کی مضارفک بودجه فصوله نظراً ایضاحاتی محتویدر .

رابعاً ؛ تره زوروری حسابی. — بو حسابده خزینہ بونولری ، حساب جاری ، معاملات تقدیه بر تفصیل کورینور و بونلره عائد متعدد طابلور موجوددر .

خامساً ؛ بودجه حسابری . — بو حسابده برسنہ ظرفندہ قبائش اولان سنہ سابقہ دورہ حسابیہ نك قطعی situation تی واوسنہ بودجه نك موقت situation تی اراہ ایدن طابلور واردر . بوندن بشقہ قوہ تشریمیه طرفندن قطع ایدلش ویا ایدلمش اولان اسکی بودجه لر حقیقده معلومات احصائیہ مندرجدر .

و Manufacture و trement محاسبیہ کلنجه بونلرک معیتندہ موجود اولان (Receveur) لر حسابری طوغری به دیوان محاسبیہ اعطا ایدرلر واوراق مثبتہ لرینی ده یارتمان مرکزلرنده کی مدیرلرینه کوندردلر . مدیرلر دخی بو اوراق مثبتہ دن عموم ولایتک بر حساب اجالیسی تنظیم واوراق مثبتہ بی محاسبیہ مالیہ یه و حساب اجالی بی دیوان محاسبیہ کوندردر . دیوان محاسبات واوراق مثبتہ بی مالیہ دن الهرق Receveur لردن آلدینی حسابلرانه و Receveur لر حساباتی دخی مدیرلردن کلن حساب اجالی ایله تطبیق ایدر و نتیجه ده هر ده یارتمان ایچون بر اعلام ویرر . بو اعلامه مربوط اولهرق هر Receveur ایچون آیری برر خلاصه واردر .

اشبو حساباتک اوراق مثبتہ سی کزک واردات تحقیقات وکزک مضارف تحقیقات و تأدیاتی ایچون نظامات مخصوصه ایله مصرحدر .

سادساً؛ اداره مالیه‌ک عمومی situation ی: — بو حساب اداره مالیه معاملاتک نتیجه‌سی و دولتک کرک آله جقیدلرینه و کرک ویره جکیلرینه قارشو خزینه‌ک موقع حقیقی‌سی اراثة ایدر بر صورتده و خدماتک انواعنه کوره مرتبدر.

حساب عمومی بی ترکیب ایدن و تاقدن دیون عمومی حساباتی یدی عدد اولوب اولاً دیون موحدنک؛ ثانیاً شمندوفر اشترااتی ایچون ویریلن میالغک؛ ثالثاً، قائلرک اشترااتی ایچون ویریلن میالغک؛ رابعاً، کفالت نقدیه‌ک؛ خامساً، تأمینات اوله رق حکومت ویریلن اسهامک؛ سادساً قید حیات شرطیله اولان دائلرک؛ سابعاً، تقاعد معاشلرینک حالی کوستر.

وثائق مذکوره دن خدمات عمومیّه مختلفه حساباتی بوجه آتیدر: شمندوفر قومانیه لرینه ویریلان تأمینات نقدیه قائلری حساباتی، فوره ز قائلک اکالی ایچون ویریلن اوانس حسابی، قیامش اکرسیزلر مصارفک تصفیه حسابی، مستملکات خدمات محلیه‌سی حساباتی و بو خدماتک احتیاط صندوق حسابی، اسکی فوق العاده املاک حساباتی و سائر.

حساب عمومینک خلاصه‌سی بالاده بر تفصیل بیان ایدیلن بالعموم حساباتی صورت مجمله ده محتویدر. بنابرین حساب عمومی بوجه آتی درت نقطه نظر دن تدقیق اولته بیلیر: اولاً: صوک گذران اولان gestion حساباتی اراثة ایدر. ثانیاً، بودجه لرک مطالعه‌سی ایچون مقتضی اولان بالعموم معلوماتی جامع بروشقه‌در. ثالثاً، خزینه‌ک اله‌جق و ویره جکنی صورت صریحه ده کوستر. رابعاً، خدمات خصوصیه حسابلری اوزرینه بر طاقم وثائق احصایه بی جامعدر. بنابرین بودرت نقطه نظری آیری آیری شرح ایده‌لم:

Gestion حسابی؛ محاسبک gestion حسابی شکلده (۱) کانون نایده‌کی Situation، مقبوضات، مدفوعات، ایرتسی سنه کانون ثانی

ابتدا سنده کی (Situation) یعنی سنه ظرفنده خزینه محاسبه‌ری طرفندن اجرا ایدیلن بالعموم معاملات کی کوستر .

بودجه حساب‌ری اولاً ، قوه قانونیه طرفندن هنوز حساب‌ری قطع ایدلمهش اولان دوره حسابیه بودجه‌سنده کی واردات و یا مصارفک فضله‌ری . ثانیاً ، سنه ظرفنده جریان ایدن بودجه‌لرک Situation ی یعنی سنه ظرفنده قیامش اولان صوک دوره حسابیه ایله حالاً دوام ایتمکده اولان دوره حسابیه‌نک حالی . ثالثاً ، خزینه‌نک بلانچوسی : بو حساب اداره مالیه‌نک عمومی Situation ی نامی آتنده حساب عمومینک برقمی تشکیل ایدر . بر تاجر طرفندن هر سنه ترتیب ایدیلن بلانچو‌کندی دفتر‌ری موازنه‌سندن حصوله‌کن نتایجی فصل که کمال صحت و صمیمتله ارائه ایدر سه بو حسابده خزینه دولتک حال مالیه‌نی ایله کوسترر ، یعنی بر طرفندن بالجمله موجودات و مطلوباتی دیگر طرفندن دیونات و تعهداتی ارائه ایدر . رابعاً ، وثائق احصایه ؛ بو حسابده عددی اوتوز ایکی‌یه واران و باشلوجه‌ری یوقاریده ذکر ایدیلان حسابات انواع ماهیاتی اعتباریه کوستریلور .

حساب عمومینک تطبیقاتنه کلنجه : دیوان محاسبات محاسب‌لردن الوب اعلامه ربط ایتدیکی حسابات نتایجی ایله مالیه نظارت‌سندن آلدینی حساب عمومی تطبیق ایدم بیلیمک ایچون مالیه نظارتی محاسب‌لرک انواعنه کوره ترتیب ایدلدیکی بالاده بالاده بیان اولان خلاصه‌ری دیوانه کوندیرر . اشبو خلاصه‌لردن *Tresorier général* . عايداولانلره ولایات اسامیسی عمودی و انواع واردات افقی اوله‌رق و مصارف ایچون هر نظارت ایری ایری اولمق و طوغریدن طوغری‌یه اسطارا ایدیلن اعطا امر لیه تخصیصات حواله‌سنه محسوباً وقوع بولان تأدیات آیری آیری قسملرده کوسترلمک شرطیه کذلک ولایات اسامیسی عمودی و بودجه فصولی افقی اوله‌رق مرتدیر . دیگر نوع محاسب‌لر ایچون تنظیم اولان خلاصه‌لرده عیناً بویه

ایسه‌ده بونلر مختلف نظارتلر نامنه تادیاتده بولمقدقلری جهته مصرف
قسمنده بک از فصول کورلمکده‌در . اشبو خلاصه‌لر اون ایکی ابلق
معاملاتی جامع‌در . دیوان محاسبات محاسباتک حسابیه خلاصه‌لری تطبیق
ایشدکدن چکره سنه‌ک خصوصی مطابقت بیاننامه‌لری احضار ایدر . فقط
بیاننامه‌لر محاسباته و آمر اعطالره تبلیغ ایدلمدیکی کبی نشرده اولتماز .
وانجق سنه‌ک عمومی مطابقت بیاننامه‌سنک تنظیمنه خدمت ایدر . اشبو
خلاصه‌لردن بشقه دوره‌متممه معاملاتی جامع اولق شرطیه دیگر برطاقم
خلاصه‌لر ده ترتیب و دیوان محاسباته تدریب اولنور . دیوان محاسبات
بونلر اوزرینه دخی دوره حسابیه ایچون خصوصی مطابقت بیاننامه‌لری
احضار ایدر و خصوصی بیاننامه‌لرده دوره حسابیه ایچون ویرلسی لازم‌کن
عمومی مطابقت بیاننامه‌سنک ترتینه خادم اولوب نشر و تبلیغ اولتماز .

خصوصی مطابقت بیاننامه‌لری دیوان محاسبات دواثری طرفدن
احضار اولنور . عمومی مطابقت بیاننامه‌سنه کلنجه بو میزلردن برینک
راپوری ایله اعضادن برینک درجه‌نایه‌ده ویره‌جکی راپور اوزرینه هیئت
عمومیجه ویریلور . کرک سنه‌ک و کرک دوره حسابیه ایچون ویریلن
مطابقت بیاننامه‌لری اره‌سنده یالکیز شو فرق واردر . سنه‌ک مطابقت
بیاننامه‌سی برسنه طرفنده کرک بودجهیه متعلق و کرک تره‌زوروری‌یه‌عائد
بالعموم معاملاتی احتو ایدر . دوره حسابیه ایچون ویریلن مطابقت
بیاننامه‌سی ایسه یالکیز بودجهیه متعلق معاملاتیه مقصوردر . لکن سنه‌ک
مطابقت بیاننامه‌سنده موضوع بحث اولیان ملحق بودجه‌لری‌ده محتویدر .
عمومی راپورله برلکده طبع و مجلس مبعوثانه توزیع اولنان مطابقت
بیاننامه‌لری محاسباتک مسئولیتلری ایجاب ایتمین برطاقم یولسزقلری
ارائه ایدن برخلاصه ایله مترافقدر . بو یولسزقلر شوکی شیلدر : بر دوره
حسابیه‌عائد واردات و مصارف دیگر دوره حسابیه‌یه نقلی و یا بر نظارتدن
دیگر نظارته یا خود عینی بر نظارتک بر فصلندن دیگر بر فصلنه مناقله اجرایی .

حساب قطعینك نهایتده مختلف نظارتلر طرفندن دیوان حساباتك مطالعاتنه ویریلان ایضاحات درج اولنور . اشبو عمومی مطابقت بیاننامه سی مترافقی اولان راپور ایله برابر دوره متممك قیاسلندن بر سنه صکره دیوان محاسبانجه تقدیم اولنور .

نظارك پارلمنتو قلم مخصوصنه تودیع ایتدکری حساباتك اراانه ایتدیکی نتایجک وثوق وصحتهداثر پارلمنتو عمومی مطابقت بیاننامه لری واسطه سیله دیوان محاسباتدن تأمینات آلیر . لکن قانون دیوان محاسبانه دیگر بروظیفه تودیع ایتشدکرکه بو وظیفه ده سنوی بر راپورده مهم کوریلان بالعموم حساب یولسلرقلرین یوحدایتک وبوصورتله مطلع اولدینی سوءاستعمالاتی کوسترمک و اصلاحات وتعديلات مقتضیه حقتده کی نقطه نظرینی عرض ایتدکر . تدقیق ایدیلن بر حساب اتناسنده بالاده بیان اولنان یولسلرقلره داثر اولان ملاحظاتك کافی حسابک کچدیکی داثره طرفندن عمومی راپور هیئت دینلن بر هیئته کوندیلور . هر سنه رئیس اول طرفندن تشکیل ایدیلن بو هیئت اوچ رئیس تانیدن ومدعی عمومیدن وهر داثره طرفندن انتخاب ایدیلن بر اعضادن مرکبدر . بو هیئته رئیس اول ریاست ایدر . داثره رئیس لرندن بریسی اعضادن اوچی آره سنده توزیع ایدیله جک اولان دوسیه لری اداره یه وبو اعضا طرفندن ویریلن راپور اوزرینه هیئتک اجتماعاتنده بیان مطالعه ایتمکه مأمورددر . مطالعات واقعه بر راپورده اجمال اولنور وبوزاپور مدعی عمومی دخی حاضر اولدینی حالده هیئت عمومیده مذاکره واتخاذ قرار اولنور . عمومی راپور رئیس اول طرفندن رئیس جمهوره تقدیم اولنور وطبع اولنه رق ناظرلردن کلن جوابلرله برلکده مجلس مبعوثانه ویریلور . بو راپورک میعاد توزیعی ختام بولان دوره حسابیه نك قیاسنی ولی ایدن سنه نك تشرین تانیسی ابتداسیدر .

برسنه لك بودجه ، حساب عمومی ، سنوی راپور ، وارداتك حساب قطعیدی ، حربیه نظارتك حساب عمومی سی وحساب عمومی خلاصه سی

(۴ نومرو ۷^{عدد}) ؛ اعلامات و سائرہ نمونہ لری (۵ نومرو) ؛ ریاست
اولی کتابتہ مستعمل نمونہ لری (۶ نومرو) ؛ دواوردہ مستعمل نمونہ لری
(۷ نومرو) ؛ مدعی عمومیلک اداره سندہ مستعمل نمونہ لری (۸ نومرو) ؛
بانی کاتب طرفدن ارسال اولئان اعلامات نمونہ لری (۹ نومرو) ؛
اعلامات خلاصہ لری (۱۰ نومرو) ؛ دیوان محاسبات و زبندہ استعمال
اولئان جداول و دفاتر نمونہ لری (۱۱ نومرو) تحتہ تقدیم اولئمشدہ .

— (۳) شتی (۴) —

دیوان محاسبات مدعی عمومیلکی برمدعی عمومی ایله برده معاونندن
مرکبدر . مدعی عمومی دیوان محاسبات رئیس اولی طرفدن وقوعبولان
انتخاب و تکلیف اوزرینه رئیس جمهور طرفدن تعیین اولئور ، رئیس
جمهور بو انتخاب و تکلیف ایله مقید اولوب خارجدن برنی مأمور
ایده بیلور . مدعی عمومی معاونی تشکیلات بختہ بیان ایدلدیکی اوزره
برنجی صنف میز لر میانندن انتخاب و تفریق اولئور . فقط رفقای
آرہ سندہ کی درجہ سی محافظه ایدر . مدعی عمومینک وظائفه و مقرراته
و ادعا نامہ لریته مشارکت ایدر و غیوبتندہ اکا و کالت ایدر . مدعی
عمومیلک وظائفی ۱۸۰۷ تاریخلی امرنامہ ایله انک متممی اولان ۲۰ تشرین
اول ۱۸۸۴ تاریخلی امرنامہ برتفصیل بیان ایدلدیکی اوزره اولاً
محاسب لر حقندہ کی وظیفہ سی یعنی مدعی عمومی دیوان محاسباتہ حساب
ویرمکک مکلف اولان بالعموم کیمسہ لریک دفترینی تنظیم ایتدیرر . بونلریک
قوانین و نظامات ایله معین اولان وعدہ لردہ حساب لری و ویروب ویرمکلری
تدقیق ایدر و تاخرایدنلر حقندہ مجازات تعیینی تکلیف ایدر . سالف الذکر
حساباتک تدقیق ایدیلہ بیلہ جک برحاله وضعی ایچون تدارکی مقتضی اولان

اوراق و وثائق دخی طلب ایلر: ثانیاً دیوان محاسبات هیئتک و امورینک تمشیته دقت یعنی دأرلرجه منتظماً اجتماع وقوع بولوب بولمدیغنی و اعضا و ممیزلرک وظیفه لرینی اجرا ایدوب ایتدک لرینی تقیش ایدر. واهال و تسبیب و قوغنده ایجابانی اجرا ایتک اوزره رئیس اوله عرض کیفیت ایلر . ثالثاً وظیفه مأموره سنک تعلق ایتدیکی هر ایشک تدقیقاتنده تحریراً مداخله ایده بیلور . بنابرین بالمله حساباتی و اوراق مثبتینی اخذ و مطالعه ایده بیلور . رابعاً نظامات ایله معین بعض احوال مخصوصه ده مقرراتی عرض ایتک مجبوردر . شویله که : فضولی و یا فوق العاده محاسباتی « Comptabilités occultes ou exceptionnelles » اعاده محاکمه ، صلاحیت ، ذمت ، برائت Quittus جزای نقدی و دأرلرجه رأساً حواله ایدیلان بالعموم خصوصات ، حجزک فکی و بر ملکدن دیگر ملکه نقلی و یا خود تقلیل مقداری ، راپورتور طرفدن بر محاسب حقدده بیان ایدیلان ساخته کارلق و ارتکاب مسئله سی . مدعی عمومی وظیفه سنی ادانامه ایله Réquisition و مقررات تحریریه طریقله اجرا ایدر ، بوندن ماعدا دأرلرجه استماع ایدلمسنی دخی طلب ایده بیلور . اول زمان دأره ریسنه معلومات ویرر . و مذاکره ایچون تعیین ایدیلان کونی رئیس کندوسنه خبر ویرر . راپورتور اولان ملازم و یا ممیز ایله بونک اوزرینه راپور تنظیم ایتمش اولان اعضا بیان مطالعه ایتدکدن و مدعی عمومی مطالعاتی شفاهاً سؤیلدکدن صکره مقررات تحریریه سنی تودیع ایدر و مجلسی ترک ایدر . دأره اوزمان ایشک مذاکره باشلار . بومذاکره ظهور ایدن مسئله نی صورت قطعیه ده حل ایتدک علاوه بر راپور تنظیمنی ایجاب ایده بیلور . بوراپور دخی مدعی عمومی به بیلدیریلور و دیوان محاسبات انجق مدعی عمومی سنک مطالعه تحریریه سنی الدقندن و طلب ایتدیکی تقدیرده کندوسنی استماع ایتدکدن صکره قرار قطعینی ویرر . خامساً هیئت عمومی اجتماعاتنده حاضر بولنور . اگر انضباطه متعلق بر مسئله موضوع بحث

ایسه مداخله‌سی براز اول ایضاح ایدیلن صورتله اولور . اکر مطابقت بیاننامه‌سی تنظیم ایچون طوبیلاشم ایسه مذا کراته اشتراك ایدر . هیئت عمومیه عمومی راپوری مذا کره ایستدیکي ویا بر مسئله تفسیره ویا خود اداره داخلیه متعلق بر ایش موضوع بحث اولدینی زمان مذا کره یه اشتراك ایلدیکي کی رایه ده اشتراك ایدر . سادسا دیوان محاسبات اعلاملرینک برر نسخه‌سی مالیه ناظرینه کوندریر . اشو اعلاماتک اجرایی ایچون طلب ایدیلان ایضاحات اوزرینه حجزک فکی و برملیک قیدی بالاسنه شرح ویرلمی و محاسبه ویریلان آوانسارک استرداد حقه نظارتلر ایله مخبره ایدر . مدعی عمومینک معاشی ۳۰.۰۰۰ فرانقدر و اوتوز یاشنی اکمال ایش اولسی لازمدر . تقاعد مجبوری ایچون معین برسن یوقدر . هر نه قدر ۱۸۰۷ تاریخی قانونک ایکنجی و التیجی ماده لری لایسنزلکی دیوان محاسباتک بالعموم اعضاسنه تشمل ایش ایسه ده محاکم زنده کی مدعی عمومیلر حقنه جاری اولان قواعد عمومیه نظراً مدعی عمومی بر امرنامه ایله عزل اولنه بیلور . عینی حال معاون حقنه ده جاریدر . چونکه هر نه قدر معاون میز عنواتی جائز ایسه ده میزلک وظیفه‌سی اجرا ایتمدیکندن طولانی بوامتیا زندن مستفید اوله ماز . مدعی عمومینک یاننده مصالح جاریه نك تحریر و تمشیتله مکلف بر قلم واردر که بونک مأمورلرینی مدعی عمومی تعیین ایدر .

آمر اعطالر دولت بودجه‌سی ایچون ناظرلر نواحی بودجه‌سی ایچون ناحیه مدیرلریدر . ولایاته والیر ایکنجی درجه ده آمر اعطادرلر . انجق مصارف بریه عسکریه ایچون ولایاته آمر اعطالر لوازم رئیس لریدر . مصارف بحریه ایچون بحریه نك اک بیوک محلی مأموری آمر اعطادر . امور نافع ایچون ایسه ولایات باش مهندس لری آمر اعطادر . والحاصل صورت مخصوصه ده آمر اعطا اوله رق ولایاته تعیین ایدلمش مأمورین یوق ایسه اوکی مصارفک آمر اعطاسی والی در .

وفات و یا انفصال ایدن مأمورینک حسابلری خلفلری طرفندن
تنظیم واعطا اولتور. انجی وفات ایدن مأمورین مالیه نك میراشندن مستقیمه
اولان ورثه سی مورثلرینک حسابلری یا بالذات امضا ایدرلر یا خود خلفلری
توکیل ایدرلر. دیوانجه حساباتک تدقیقاتی نتیجه سنده متوفاتک ذمتی
ظهور ایدرسه کفالت اچمندن توقیف اولتور. انفصال ایدن بر حسابات
حسابی تنظیم اتمک وظیفه سیله خلفی اساساً مکلف دکل ایسه ده مأمورین
آره سنده جاری اولان فکر معاونت هر زمان مأمورین منفصله حساباتک
خلفلری طرفندن یاغسی خصوصی تحت تأمینه آلمشدر.

عسکری فابریقه لری لوازم ابتدائیه سی انسانی نظارت غائده سی
بودجه سنندن تسویه اولتورده اولوب دیگر تجار فابریقه لری کی سرمایه ایله
تدویر ایدلر. بوفابریقه لره اعمال اولنان اشیا منحصرأ دولتک احتیاجاتی
تأمین ایدوب خارجه صامی ممنوعدر. یالکیز حکومتجه انحصار صورتیه
اداره اولنان توتون و کبریت فابریقه لریه مقتضی مواد ابتدائیه هر سنه
وماکنه لرینک تجدیدی ایجاب ایدیکی زمان مصارفی معادف اولدینی سنه
بودجه سنه قونیله رق تسویه ایدیلور. حتی کچن سنه فرانسه حکومتجه
مبايعه اولنان غرب شمندوفرلرینک بدل اشتراسنک تسویه سی ضمیمه
استقراض عقد ایدلمک ایسته نلیدیکندن طولای بشقه برشکلده یعنی تحویلات
اخراج ایدلمش و بوتحوایلاتک احساسی ایچون هر سنه بودجه سنه بر مقدار
اچمه وضع ایدلمکده بولتمشدر.

هر نه قدر دیوان محاسباتک آمر اعطالر حقیقه حق قضایی یوق
ایسه ده محاسباتک تدقیق حساباتی انساننده نظامات مالیه مخالف اوله رق
وقوعنه مطلع اولدینی بولسزلفلری دخی آرزوق قونطرول ایتکده در.
دیوان محاسبات بوباده هر درلواستیفاحاته بولتغه واکر وریلان جوابلر
کافی کمز ایسه و یا استیفاحاته جواب الهمز ایسه علناً تنقیدات اجراسنه

حائز صلاحیتدر . علناً تنقیدات سنوی رئیس حکومت و وردیکی بالاده بیان اولنان راپوز واسطه‌سیله اولور .

دوائر حکومتده استعمال اولنان تیمورباش اشیانك فرسوده اولانلری آنجق مایه نظارتنده بولان املاك اداره‌سی خارجه صاته‌بیلور . حربیه نظارتی سواردی و طوبیخی حیواناتنك کوبره‌سی بيله صاتمغه حائر صلاحیت دکدر . بونلری تماماً اداره مذکوره فروخت ایدر . حتی مشهور جنراللردن برینك هیکلنی اعمال ایچون اسکی طوبلردن برقاج عدیدی طلب ایدن بر صنعتکارك حربیه نظارتی مطلوبی اسعاف ایده‌مأمشدر .

فرانسه‌ده دوات بودجه‌نه ملحق بودجه‌لر شونلردر : مسکوکات و مدایه اداره‌سی ، ملی تصرف صندوق ، مطبعه ملیه ، لژیون دونور ، معلولین بحریه صندوق ، صنایع و اعمال مکتب مرکزیزی ، حکومت شندوفرتری ، ره‌نویس شندوفر و لیمانلری . ایشته بومؤسساتك حساب قطعیلری ناظر عائدی طرفدن کندی نظارتی حساب قطعینه ذیل اوق اوزره ویزیلور . بومثللو مؤسسات مجلسلری طرفدن دیوان محاسباته ویرلش اولان حساب دوائر سائر حساب قطعیلری کبی تطبیق اولتور . دولت بودجه‌سی خارجنده اداره ایدیلان دیوزیتو و مرهونات صندوق ایچون یالکزر سنه‌لک بر حساب واردر . بونلرک طشره‌ده بولان شعبات حساباتی‌ده مرکزده‌کی محاسب مسئول جمع و تلفیق ایده‌رک تنظیم ایتدیکی اجمالی الدینی حسابلر و اوراق مثبته‌سیله برابر دیوان محاسباته کوندیرر . اشبو اوراق مثبته‌نك کثرته و شعباتك متعدد اولسنه مبنی هر شعبه‌یه عائد حسابندن اوئر کونلکی اوراق مثبته‌سیله تطبیق اولنه‌رق اکتفا ایدیلور .

حکومه عائد اولان اشیا ایکی قسمه تقسیم ایدیلور بری هر نوع قیم منقوله و دائمی حائز دیگر استهلاکات و تحولاته معروض اشیا . قیم منقوله و دائمی حائز اولانلر شونلردر . دوائر حکومتی و قشهلری ،

خسته خانه لری ، حبس خانه لری ، و سایر مؤسساتی تزیین ایدن اثاث ، ماکنه لر ،
 و هر درلو آلات و ادوات استحصالیه ، نمونه لر و موده لر ، کتب خانه لر ،
 محزن اوراق ، موزه لر ، لابوراتوار لر ، اوراق و مطبوعات دپولری ،
 انار نفیسه صناعیه و علمیه . حریبه نظارتنه عائد اولان قیم منقوله یی
 حائز اشیا دن ماعدا اولان قیم منقوله و دائمی حائز اشیا حسابلری دیوان
 محاسباتک قونطرولنه تابع دکلدر . یالکیز حریبه نظارتنه عائد اولان
 قیم منقوله یی حائز اولان اشیا حساباتی استهلاک و یا تحولاته معروض اولان
 اشیا حساباتی کی فقیشته تابعدر . دوله عائد اولان بوقیل اشیا ی مستهلک
 ایچون هر مغازه و دستکاه و اعمالخانه ده و ترسانه ده و دیگر مؤسساته
 بر مأمور مخصوص موجود در که بومأمور اورالره موضوع اولان اشیا دن طولانی
 نقد محاسبلری کی مشولدر . هر محاسب اتخاذ ایستدیکي دفتره ادخالات
 اخراجات ، تحولات و ضایعاتی یازدینی کی ظهور ایدن فضله لری ده قید
 ایدر . هر سنه نك ایلک اوچ آینده محاسب کچن سنه نك حسابی اوراق
 مثبت سیله برابر مربوط اولدینی نظارته ارسال ایدر . ناظر تدقیقات لازمه یی
 اجرا ایستدکن صکره کرک حسابی و کرک اوراق مثبت یی دیوانه کوندریر .
 انحق کثرتنه مبنی دیوان محاسبانجه اشبو اوراق مثبت یکان یکان حسابله
 تطبیق اولنیوب سنه نهایتده نظارت عائد سی طرفدن تم داده کوندریلان
 هیئت جانبندن تنظیم و دیوان محاسبانه اسرا قلیان موجود مضبطه سیله
 تطبیق ایدیلهرک اکتفا اولنور . عینیات محاسبلری ایکی قسمه تقسیم
 اولنه بیلور . بر طاقلری دیوان محاسباتک فقیشته بر طاقلری حکمنه
 تابعدر لر . اصل عینیات محاسبلری دیوان محاسبلر اوزرنده دیوان
 محاسباتک طوغریدن طوغری به حق قضای یوقدر . کرچه حسابلری
 تدقیق ایدر سده شخصاً مطالعات و ملاحظاتی تبلیغ ایتمز ، نتیجه تدقیقاتی
 علاقه دار اولان ناظره کوندریلان بیاننامه لر ایله تبلیغ اولنور . ایجاب
 ایدن معامله یی اجرا ایتمک صلاحیتی منحصر آ ناظر حائز و یالکیز نتیجه سنی

دیوانه بیلدیرمکه مکلفدر . برنجی صنف محاسبلرک باشلوجهلری شونلردر .
 ۱ حربیه نظارتنک عینیات محاسبی ۲ بحریه نظارتنک عینیات محاسبی
 ۳ داخلیه نظارتنک عینیات محاسبی ۴ زراعت و تجارت نظارتنک عینیات
 محاسبی ۵ مستملکات نظارتنک عینیات محاسبی . ایکنجی قسم محاسبلر
 اوزرنده دیوان محاسباتک طوغریدن طوغریه حق قضاسی وارددر . بونلر
 حقتده اعلام ویرر ومطالعاتی بالذات انفاذ ایتدیرمک ومحاسبلره برائت
 ویرمک حققی حائزدر . بومحاسبلرک باشلیجهلری شونلردر ۱۰۰ لیسرلر
 ۲ نانی‌ده‌کی اوزرمان مکتبی ۳ صنایع و اعمالات مکتبی ۴ مطبعه ملیه
 ۵ مکتوکات اداره‌سی ۶ باروت کهرچله ۷ توتون ۸ پوسته پولاری
 اعمالآخانه‌سی .

— (۳) معاملات نقدیه (۴) —

هر آی مختلف نظارتلر شهراتی ایچون کندی احتیاجلری مین
 بر حسابی مالیه ناظرینه بیلدیرلر . بو حسابات مالیه نظارتنده معاملات
 نقدیه اداره‌سند تمیز ایدر . مالیه ناظری بو حسابات اوزرینه تنظیم
 ایتدیکی بر توزیع دفترینی هر آی رئیس حکومت عراض ایدر .
 نظارتلرجه تأدیات ایکی صورته اولور . یا طوغریدن طوغریه اعطا
 امرلریله و یا خود حواله نامه‌لرله اعطا امرلری ناظرک امضا ایتدیکی کونک
 تاریخیه مورخ اولمنی لازم کلیر . ولایاتده تأدیه‌سی لازم کلن حواله نامه‌لر
 متعدد فصولی محتوی اوله بیلیرسه ده هر فصله عائد اولان مبلغ آیری آیری
 کوسترلک اقتضا ایدر . اعطا امرلرنده صاحب استحقاقک اسمی ، ایجاب
 ایدر سه مخلصی و مصرفک تأدیه ایدیلرجهکی قاصه کوسریلور . بر ناظر
 اعطا امریله ولایاتده دخی تأدیات اجرا ایتدیره بیلیر . انجق اشبو تأدیات
 معین بر شخصه و معین بر مصرفه عائد اولمق لازمدر . بو صورته طشره‌لرده

اعطا امرلریله ویریه جک مبالنه اوراق مثبتہ دخی ربط ایدملک ایجاب ایدر. کذلک صاحب استحقاقک پاردهنی آلمق اوزره نه وقت مراجعت ایدم بیلہ چکی کوسرملیدر. هر نه قدر قانوناً بومهل اعطا امری تاریخندن اعتباراً اوتوز کون اولمق اوزره تعیین ایدلمش ایسه ده ناظر طرفندن بعض احوالده تنقیص ایدیلہ بیلیر. مع هذا هیچ بر حالده مرکز ورنه داری (دوائر مرکزیه ده آیری آیری ورنه دارلر موجود دکلدیر. پارسده اجرا الوثه جق تأدیات Caissier payeur central طرفندن وقوع بولور) اون کونندن وولایات ورنه دارلری بش کونندن اکیک وعدمی حائز اولان تأدیاتی اجرا ایدم مزلر. بو حکم دیون عمومیه و ماهیت مبرمیه حائز اولان مصارفه شامل دکلدیر. کړک اعطا امرلری و کړک حواله نامه لر مالییه نظارتجه ویزه ایدملک لازم کلور. مختلف قاسه لردن اجرا ایدیلہ جت تأدیاتی اوقات لازمه سنده تنظیم و ترتیب ایدم مکلف اولان معاملات نقدیه اداره سی اشبو اعطا امرلریخی و یا حواله نامه لرینی قوتورول ایستدکن صکره اوزرلرینه ویزه سی وضع ایدر. بنابرین بواشک تنقیشی منحصرأ معاملات نقدیه اداره سنده عائددر.

معاملات نقدیه اداره سی اعطا امرلریله برلکده اوراق مثبتیه دخی آلور. بو اوراق مثبتہ دولتک حقیقه بورجنی اراثیه خادمدر و اوراق مثبتہ نک نوع و ماهیاتی علاقه دار اولان نظارتیه مالییه نظارتی آره سنده بالاشلاف قرارلشدیریلور. وباشلوجه شواسلر دائره سنده در: معاشات، اجورات، مکافات نقدیه کبی مصارف ایچون: موجود دفتری و یا اسامی جداولی (بودفاتر وجداوله درجات و خدمات، موجودله و ناموجودله ایفا ایدیلن خدمات، خدمتک مدت دوامی قوانین نظامات و مقررات ایجابجه اعطاسی لازم کلن مبالغ مندرجدر) اشیای منقوله وارزاق و ذخائر اشتراقی و املاک مایعات و استیجاری و طرق و معابر و قناللرک انشآت و تعمیرات و تحکیماتی و محافظه سی، اشیای منقوله نک تعمیرات و اعمالات

و محافطه سی کی مصارف ایچون : اولاً قرار نظارتک مصدق صورتلری،
قونظر اتولر ، مناقصه قائمه لری ایجار مقاوله نامه سی (بازار لقایله اولورسه
یالکیز شرائط مباحه یی حاوی شرطنامه) ثانیاً ؛ تسلیم و تحقق حساباتی
(بوحسابانده ایفا ایدیلن خدمتله کرک علی الحساب ا لهرق و کرک تماماً
تدین ایدیلن مبالغ محرزدر)

بودجه یه داخل اولان مصارف میاننده برطاقلری واردرک بونلرک
ماهیتی ایجابجه حین تأدیه لرنده قواعد عمومیه یه تابع طوتیه مازلر. بوکی
مصارفک باشلوجه لری شونلردر : ۱. - قوای عمومیه مصارفی (رئیس
جمهورک و پارلمنتونک مصارفی) ۲. - تحقیقات مستوره . ۳. - دیوان
عمومیه . ۴. - بری و بحری عساکر معاشاتی . ۵. - پولیچه لرله
وقوعبولاجق تأدیاتی . ۶. - اوانس صورتیه و قوعبولاجق تأدیات .
۷. - اوانسدن بشقه علی الحساب تأدیات . ۸. - شمندوفر قومپایه لرینه
ویریه لک تأمینات فاضلری . رئیس جمهورک معاشات و مخصصاتی مالیه
نظارتی طرفدن امر اعطایه ربط اولنور . و یاردینی آلانک امضاسیله
ویریلور . پارلمنتو معاشات و مصارفاتی اداره مأمورلرینک طلبی اوزرینه
مالیه ناظرینک امر اعطاسیله هر بر مجلسک وزنه دارینه ویریلور . اداره
مأمورلری هر ذات ایچون ماندالر اعطا ایدرلر. اشبو مصارفه متعلق اولان
معاملات خزینه محاسبلرینک حسابی میاننده کوروغمز و دیوان محاسبات
بوحساباتی تقیتش ایدمز . هر بر مجلس معاشات مصارفاتی ایچون بالذات
دیوان محاسبات وظایفی اجرا ایدر . اعضا میانندن منتخب بر تدقیق
قومیسینی اداره مأمورلریله وزنه دارک حساباتی بعدالتدقیق بررپورورر
و بوراپوز مجلسک تصدیقه عرض اولنور .

تحقیقات مستوره خارجیه داخلیه حربیه بحرنه نظارتلرنده واردر .
تحقیقات مستوره علاقه دار اولان ناظرک امرینه آماده در . ناظر یالکیز
برامر اعطا اسطار ایدر . بوامر اعطای متوسط اولان بر مأمور بعدالامضا

پارہ بی آلور . تحقیقات مستورہ نك اصل تودیع ایدلہ بیکی کیسہ مجهول قالور . مع هذا هر ناظر دورہ حسابیہ نك نہایتندہ ویا مأموریتی ترك ایتدیکی زمان تحقیقات مستورہ نك صورت وجهت استعمالی حقندہ رئیس جمہورہ بررابور ویرر . ورئیس جمہورہ آنی تبرہ ایدر . رئیس جمہورک قوتورولی نتیجہ مندہ تحقیقات مستورہ نك تصدیق حقندہ اسطار اولنان امرنامہ دیوان محاسبانہ تبلیغ اولنور .

دیون عمومیہ . — دیون دائمہ فائضری پازسدہ Caissier payeur Central و ولایاتدہ Trésorier général لر طرفندن تأدیہ اولنور . ولایاتدہ کی محاسبلر کندی حسابلری و بودجہ معاملاتی کی نامہ محرر اولان رانتلری اودرلر . حاملہ محرر اولان ویا مختلط بولنان رانتلری Caissier payeur حسابنہ وترہ زوریری معاملاتی کی تسویہ ایدرلر . بوقیل تأدیاتک حساب و اوراق مثبتہ سی Caissier payeur Central طرفندن تنظیم و تقدیم اولنور . فائضلر هر اوج آیدہ بر شرائط آتیہ وجہلہ تأدیہ اولنور . دیون عمومیہ ادارہ سی نامہ محرر اولان رانتلر ایچون برطاقم حسابلر تنظیم ایدر . بو حسابلردہ تحویلک نومروسی و مبلغی و رانت صاحبنک اسمی و محل تأدیہ نی محرردر . بوندن بشقہ شخصی Bulletin لر یاییلورکہ بو (بولتن) لر اوزرینہ تأدیہ ایدیلن فائضلر استامہ ایلہ اشارت اولنورہ بو اوراق و وثائق دائمیدر . خصوصی حسابلر هر وعدہ ایچون وانتقال و فراغ محل تأدیہ نك تحولہ نظراً علاوہ و تنقیص ایدلک اوزرہ هر رانت ایچون ترتیب اولنمشدر . بو مختلف اوراق دیون عمومیہ ادارہ سی طرفندن Caissier payeur Central ایلہ Trésorier général لرہ کوندریلور . هر وعدہ نك حلولندہ مالیہ ناظری مشترک و خصوصی بر تأدیہ امری اسطار و بونی Caissier payeur Central . تسایر ایدر . دفتر کبیر محاسبی بوردرولر تنظیم ایدر و بوردرولردہ تأدیاتہ مآذونیت ویرلسی ایچون معاملات تقدیہ نك ویزہ سنہ عرض اولندقدن

سکره Trésorier général. کوندربلور و بو، مصارف ساثره ایچون اعطا امرلری اوزرینه تنظیم اولنان خلاصه لر مقامه قائمدر. تأدیات تحویلک ابرازی اوزرینه بشقه بر صورتله هویتک تحقیقنه لزوم کورلمکسزین حامله تأدیه اولنور. و تحویلک ظهرینه و شخصی بولتله استامپا ایله تأدیات اشارت اولنور و آخذ بر مقبوض براقیر. هر هانکی بر سیله اولورسه اولسون تحویل ابراز اولنه مازسه قاض ویزه ایدلش و دیون عمومیسه اداره‌سی طرفدن اعطا اولمش بر مقبوضک ابرازیه تأدیه اولنور که بو مقبوض محاسبک برائته کفایت ایدر. حامله عائد اولان رانتلر ایله مختلف رانتلر تأدیاتی وعده‌نک هر دفعه ختامده Caissier payeur Central اوزرینه بر اعطا امری اسطاریله اولور. اشو محاسب دیون عمومیه دن نومرو صوره سیله بر حساب آلور. و قوپونلرک ابرازی مقابلنده تأدیاده بولنور Trésorier général لر و حتی قوپونلرک ابرازی اوزرینه Caissier payeur Central حسابنه تأدیاده بولنور. و قوپونلری بعدم اکا کوندردر. دیوان محاسبات اوراق مثبته اوله رق نامه مقیدرانتلر ایچون بقیه تأدیاتی و صاحب‌لرینک مقبوضلریخی حاوی بر حساب آلور. حامله عائد و یا مختلط رانتلر ایچون نومرو اوزرینه مرتب بر حساب ایله قوپونلری آلور. تقاعد معاشاتی هر اوج ایدم بر Payeur du trésor لر طرفدن تأدیه اولنور بو محاسبلر کندیدی. پارتمانلری داخلنده تأدیه اولنه جق تقاعد معاشاتی اصحابنک سجلنی طوتارلر. هر وعده حولنده مالیه ناظری طرفدن مشترک بر امر اعطا اسطار. (Caissier payeur central. تسیاری اولنور. بو امر اعطادن استخراج ایدلش خلاصه لر (Trésorier général). کوندربلور. معاشات جزو دان حامللرینه مقبوض مقابلنده تسویه اولنور. صاحب معاشک حیاته اولدیغنی مؤید بر تصدیق نامه جزو دانه مربوط اولق لازمدر وقت تقدیرنده ورثه‌نک حق وراثتی مین اوراق مثبته ربط ایدمک اقتضا ایدر تأدیه و قوعنده جزو دانک ظهرینه استامپا ایله اشارت اولنور. دیوان

محاسبات پارسده ایندیلن تأدیات ایچون امضالی برحیات علم و خبرلری ایله برابر حسابلر وده پارتمانلرده وقوع بولان تأدیات ایچون تفصیلاتلی بوردولر و کذلک بر حیات علم خبرلری آلور. بوندن بشقه ایجاب ایدرسه وراثت اوراقتی ده ایستر. مأمورین کفالت ایچهلرینک فائضلری مالیه ناظری طرفندن مشترک بر اعطا امریله تسویه اولنور. بواعطا امرلری مأمورک ایضای وظیفه ایتدیکی ده پارتمانک محاسبه خطاباً یازیلور. فائضلر سنه لک اوله رق کفالت مقبوضنک ابرازی اوزرینه مأمورک امضاسیله تأدیه اولنور. مقبوضنک ظهرینه استامپا ایله اشارت اولنور.

بری بحری عساکر معاشاتی. بوقیل معاشاتک ماهیت مستعجیه سی حبیله امر تحققی معاملات عادیه به تابع طوبیله منز، معاش صاحب لرینک غددی اوقدر چوقدر که هر برینه شخصاً امر اعطا ویرلمی عیدم الامکاندر بنابرین بوقیل معاشاتی اساساً موقت برتحقق معامله سی اوزرینه مشترک بر اعطا ایله و حقیقی ارباب استحقاقک برینه قائم اولان وذات یدیه تأدیه بوراده ایکنجی درجه ده آمر اعطالر عسکری لوازم هیئتلری و بحریه نیک قومیسر ضابطانیدر. طابوره مربوط اولان ضابطانک معاشی هر آی تسویه اولنور. آی نهایتده طابور مجلس اداره سنک مقبوضی و شخصی و مشترک بر حساب موقت اوزرینه تأدیه اولنور. نفقات معاشاتی هر اون بش کونده و بروجه پیشین (مانورالر ائساننده هر بش کونده بر) تسویه اولنور. بونک ایچون کچن اون بش کونده نفقاتک قاجر کون موجود اولدقلرخی اراشه ایدر ورتبه لرخی کوستر بر حساب موقت تنظیم و بر حساب موقت طابور مجلس اداره سنجه بالامضا محلی محاسبه ویریلور. عسکری مکاتب دخی بویه در. طابوره مربوط اولیان ضابطان ایله مستخدمین عسکریه معاشاتی هر آی ویریلور. آی ختام بولنجه موقت تحققی معامله سی یاییلور. فقط هر شخص ایچون خصوصی ماندا اسطار اولنور. و صاحب معاش ماندانی امضاله یه رق معاشی آلور. محاسب اشبو

حسابگری ویامانداری (حسابات طابور مجالس اداره سنجه وماندارارباب استحقاقه امضا اولنور) ابرار ایدرک برائت ایدر . بو نوع معاشاتک قطعاً تحقق تأدیاتدن صکره اولور . بومعاملات اداریه هر اوج آیدم بر تحقیقات یوقلمه ورقه لری تنظیمی ایجاب ایدر که هر اوج آیدم بر دولتک بوقسم معاشاتدن طولایی دین حقیقیسی مقداری تعین ایدر . بوحسابی لوازام دائره لری تنظیم ایدر لر و بونده قبض اولنان پاره لر بر تفصیل کورلدیکی کبی طابورک ذمتی ویامطلوبی موازنه ایدیلرک خزینہ یه قارشی موقع حقیقیسی کوستریلوراشبو اوج آیلق یوقلمه ورقه لری درجه درجه اردو لوازم دائره سنجه حریبه نظارتجه و دیوان محاسبات تدقیق اولنور . انحق اشبو یوقلمه حساباتی دیوان محاسباته غایت کچ کلمکده واکثریتله برسنه حسابی بش سنه صکره کوندزلمکده در دیوان محاسباته مطالعاتی کوریلان یولسزلقلرک تصحیحی وفضله وقوع بولان تأدیاتک استرداد ی وظیفه سیله مکلف اولان حریبه ناظرینہ بیلدرر . تفصیلات سالفه دن ا کلاشلدیغی وجهله بوقیل معاشاتک تأدیہ سنده کی اصول تأدیہ ایتدیکی مصارف اوزرنده محاسبک حق قفیتشدن مرتفع اولسندن عبارتدر . بوقیل ماندا تره زوری یه زرنال Trésorier général کوزره سندن مستثنا در . امر اعطا تأدیاتدن صکره اجرا اولنور . محاسب موقت تحقق حساب اوزرینہ وقوع بولان تأدیاتده کی خطای مادیدن بشقه برجهتدن طولایی مسئول دکدر . دونما وفیلورده بولنان عسکر بحریه معاشاتی دخی بوضورتله تأدیہ اولنور یالکتر تحقق یوقلمه ورقه لری اوج آیلق اولیوب سنه لکدر .

بولیجه ایله وقوع بوله جیق تأدیات . . فرانسه خارجه سنده خدمات بحریه ایچون وقوع بوله جیق مصارف قواعد عمومیه یه تابع اولاماز . اثنای سفرده اجرا ایدیلرک صرفیات ایچون کیمیل بعضاً عزیمتلدن اول احتیاط و اوانس ایچله لری آلورلر بوپاره لر کمی مجلس اداره سی نامه ویریلور اوراق مثبته مؤخر آوانس مانداسنه تصفیه مقصدیله ربط اولنور

فقط بواجیاط آنچه‌لری کافی کلیه‌یلور . بوندن بشقه کیلرک صرفیاته
مجبور اولدینی لیانلرده آمرعطانر ویاخزینه محاسب‌لری بولنیه‌یلور .
او حالده مجلس اداره‌یی ویا کمی قوماندانی امر اولمق‌سزین مصارف
اجراسته مآذون قلمق ضروریدر . مقتضی اولان مبالغ خزینه اوزرینه
چکیلان (اوراق مثبته‌ک تصفیه ائساننده ابرازی شرطیله) پولیچه‌لرله
تدارک اولنور . بوقیل تأدیاتک خزینه ایچون موجب اولدینی تهملکه
حبیله استعمالی بک زیاده محدود اولان احواله منحصر بولنشدن بو
احوال ۳۱ مایس سنه ۱۸۶۲ و ۸ شباط سنه ۹۰۲ تاریخی امرنامه‌لرده تعداد
وتصریح ایدلشدن .

اشبو پولیچه‌لر کشیده‌جیلره نظراً اوچ قسمه آیریلور : مستملکات
پولیچه‌لری ، کمی پولیچه‌لری و قونسولوس پولیچه‌لری . بوضورتله وقوع
بولان مصارفک تصفیه‌سی بحریه نظارتنده پولیچه محاسبی دینلن مأموره
مودوعدر . تصفیه معامله‌سی صورت آئیده اجرا اولنور . هرآی نهایتنده
مستملکات محاسب‌لری و قونسولوسلر کشیده‌ایتدکاری پولیچه‌لرله اجرا اولنان
مصارفک اوراق مثبته‌سنی بحریه نظارتنه کوندیرلر . کمی ضابطانک کشیده
ایتدکاری کمی پولیچه‌لرینک بالئی هر قاج فرائق اولورسه اولسون ، اوراق
مثبته‌سنی ممکن اولدینی قدر قیصه برزمانده نظارت‌ه ارسال ایله خزینه‌یه قارشو
مسئولیتدن قورتلری لازمکلور . پولیچه محاسب‌لری خزینه محاسب‌لری
حقننده کی قواعد و نظامانه تابعدر . دیوان محاسبانه عادی محاسب‌لر حسابنه
موافق برشکلده سنه‌ک بر حساب ویرر . دیوان محاسبات بو حسابی
بروجه آتی اوچ نقطه‌دن تدقیق ایدر . اولاً حسابک ذمئی تأدییه اولنان
پولیچه‌لره مساوی میدر ثانیاً تصفیه اعطایا امرلری عائد اولدینی ماده
مخصصاندن محسوب ایدلش میدر ثالثاً اوراق مثبته متظماً ابراز اولنمش میدر .
اوراق مثبته قسماً ویا تماماً نقصان اولور ایسه محاسب مسئول اوله‌یلور .
مصارفک تصفیه‌سنده کندی طرفندن دقت و احتیاط وقوعنی اثبات ایدم

ایسه مصارف دخی رد ایدیله بیلور، لکن بو مشولیتک فعلیاتده تطبیق محاسبک مکفل اولسنه رغماً مشکدر، چونکه محاسب شخصاً هیچ بر تأدیاتده بولنماشدر و بولیچه لر اوزرینه تأدییه سی لازمکلور Vue bon à payer عبارتیه سنی یازدینی زمان مصرفک طوغریلقتی تفتیش ایچون هیچ برواسطه یه مالک دکدر زیر اوراق مثبته کندوسنه مؤخرأ کلکده در.

آوانسلر . — ۳۱ مایس ۱۸۶۲ تاریخلی امرنامه نك اوتجی ماده سی اقتضاسیجه تأدیات انحق حقنی اثبات ایدن بر کیسه یه وایفا ایدلش اولان بر خدمت ایچون وقوعبولور . بو قاعده نك مستثنای پك محدود اولقله برابر ضروریدر . چونکه بعضاً صاحب استحقاقیه طوغریدن طوغریه مراجعت مشکل اولور . بعضاً دخی محقق و تأدییه ایچون ایشك ختامی بکله نك غیر ممکن بولور، بنابرین بعض احوالده آوانس اجرایی اصولی قبول ایدلشدر . بو آوانسلر بعضاً متوسط اولان کیسه لره بعضاً دخی خدمتک اجراسندن اول احباب استحقاقه ایدیلور. بو استناده امانه اداره ایدیلان ایشلر ایله ره مونت خدماتنه وقومیسو نیجیلر ایله یاییلان اشترآته آلات رهنمده مبیاعته بعض مأمورین اداره یه ویریلان مصارف تفتیشیه منحصر در . امانه اجرا ایدیله جك اولانی ایچون یاییلان آوانسک مقداری ۲۰۰۰۰ فرانکی تجاوز ایدمز . واوراق مثبته نك برماه مدت ظرفنده ابرازی مقتضیدر، یالکز جزا ئرده و بعض اوزاق محللرده کی مصارف عسکریه ایچون آوانسک مقداری اخیراً ۷۰۰۰۰ فرانقه واوراق مثبته نك ابرازی مدتی طقسان کونه ابلاغ اولنمشدر . آوانس یاییلنجه محسوب ایدلیکی بودجه تخصیصاتی احا ایدر، یالکز تماماً استعمال ایدلماش اولور ایسه مؤخرأ تصحیح حساب اولنه بیلور . محاسب آوانس مانده سی ابراز ایتکله مشولیدن قورتیلور . فقط آوانس آچهلرینك صورت استعمالی امانه اداره یه مأمور اولان کیسه نك نظاماً معین اولان مدت ظرفنده اثبات ایتجی لازمدر . امانه اداره یه مأمور اولان کیسه واوراق

مبته ایله برابر نخستین اوله رق بر بوردر و تنظیم و یونی مصرف آمر اعطاسنک تصدیقندن صکره محاسبه تودیع ایدر . محاسب بوردر و لردن برنسخه سی اوزرینه شوقدر اوراق الدیغنی یازدقدن صکره مأمور مومی الیه اعاده ایدر که بو ، آنک ایچون برر ائت دیمکدر . محاسب اوراق مبته یی المی ایچون هر درلو احتمالات و قیداتی اجرا ایله مکلف اولوب تأخر وقوعنده آمر اعطاسنی خبردار ایدر لر . محاسب دیوان محاسباته قارشو ایکی نقطه دن مسؤلدر . اولاً آوانس مقداری یا ۳۰۰۰۰ و بای نظام امین اولان دها یوکسک برحدی کچر ایسه ثانیاً برآیدن فضله تاریخی آوانس ویرر ایسه فقط فعلیاته اشبو مسؤلیت نادراً محل تطبیق بولور .

رهمونت آلایلی ایچون مقتضی اولان حیوانات مبیعاتی . — ۲۳ ایلول ۱۸۸۸ تاریخی امرنامه دن بری بایع امرنامه طوغریدن طوغری به اسطار اولان ماندالر ایله تأدیات اجرا ایدلما مکده در ، بو قیل تأدیات رهمونت قومیسونلرندن یاییلان خصوصی آوانسلر واسطه سیله اجرا اولنور . مبیعات قومیسونی رئیس اولان ضابط مقداری اساساً ۵۰۰۰۰۰ فرائق تجاوز اجتماع شرطیله آوانس آلور . مع هذا بعض رهمونت ده بولری ایچون آوانسک مقداری ۱۰۰۰۰۰۰ فرائقه قدر رسیده اوله بیلور . بوقیل آوانسلر نقداً ویرماز . اداری مخابر لر « خزینه نامه تأدیات اجرا ایدن برنوع مأمورلردر » نزدنده خصوصی بر حساب آچیلور و آوانسلر بو حسابک مطلوبه قید اولنور . ضابطان بونک بر Récépissé سنی آلور . بعده رهمونت ماندالری تسمیه اولان وقوچانی بر دفتر دن قوباریلان خصوصی ماندالر واسطه سیله کندونه اچیلان بوقرهدی یی استعمال ایدر و هر بر یایعه آله جفی بوصورتله تسویه ایتدیرر . رهمونت ماندالرنک مصرفی حسابک ذمه کچیریلور . فاطور لر و بایع لرک مقبوض علم و خبرلری مبیعه قومیسونی طرفدن تنظیم ایدیلان عمومی بر بوردر ویه ربط ایدیلور و آوانسک اوراق مبته سی اوله رق دیوان محاسباته کوندریلور . رهمونت

ماندالری. جیرو ایدیله من و حامل اوله تأدیه ایدلک لازمدر. و بوله تابع دکلدر.

قوم-یونجیلر ایله یاییلان اشتراآت. — بالخاصه بعض مصارف خیسوویه ایچون حریبه نظارتی بو آوانسیری استعمال ایدر. مبالغ مقتضیه و انس طریقته قوم-یونجیه و بریاور. قوم-یونجی ممکن اولدینی قدر قیصه برمدنده و نهایت برآی ظرفنده مصرف اوراق مثبته-نی کتیرمه تجویزدر.

آلات رسدیه اشتراآتی. — آلات رسدیه عاملاری ایشه باشله مزدن اول بازارلق ایدیلان مبالغت ثلثی درجه-سینده آوانس ایسته مکده درلر. علمک ایجاباتندن اوله رق بوکی آلاتک بحرب-کیسه معرفتیه یابدیرلمی لازم کلدیکندن بونلر ایچونده برر آوانس و برمک مجبوری حاصل اولمشدر. بوقیل اعمالاتک بازارلقی اول امرده مالیه نظارتنه بیلدیریلور مالیه ناظرینک مساعدده سی مدتی بازارلق ورقه-سینده صورت مخصوصده ذکر اولمق ایجاب ایدر.

مصارف تفتیشه. — عسکری جنراللری، عسکری و ملکی قوم-سیون اعضای، خدمات مخصوصه ایله مأموراً اعزام اولان ضابطان، خارجی و مالیه نظارتنک بعض مأمورلری بعض احوالده تفتیش مصارفی و خرجراهرلری ایچون آوانس آلورلر، فقط مؤخرأ مصارف حقیقه لرینک حسابیه اوراق مثبته-نی اعطا ایتلری لازمکلور.

آوانسدن بشقه علی الحساب تأدیات. — حکومت متعهدلری عمومیتله تأدیات ایچون تعهداتک کاملاً ایفا ایدلمسینی بکله مزلر، بنابرین اشیانک صولقلم تسلیماتندن اول قسماً کندولرینه تأدیات اجراسی قبول ایدلشدیر. بوقیل تأدیاتک آوانسدن شو فرقی وارد: علی الحساب تأدیاتده ایشک قسماً اولسون اجرا ایدلمی مقتضیدر و علی الحساب ایچه متعهدک تحقق ایدن مطلوبندن دأماً اکسیکدر. قانوناً ایفا ایدیان ایشک ماهیتی کوستر.

اوراق مثبتہ منتظمہ ایلہ تمہدک تحقق ایدن مطلوبندن انحق بش سدسی علی الحساب اولہرق ویریلہ بیلور، فقط بعض نظامات خصوصیه ایلہ بونبت تعدیل ایدلشد۔ مثلاً امور نافعه اصول محاسبہ سنہ نظراً علی الحسابن اجرا ایدیلان عملیاتک ۱/۱۰ نسبتی کچہ من۔ مقررات اداریه علی الحساب تأدیات ماندالرینک مستبد اولہجی اوراق مثبتہ نک ماہیاتی تعیین ایدر۔

شندوفر قومپانیہ لریہ ویریلان تأمینات فائضری۔ — بوقیل فائض قومپانیہ لره صورت قطعیدہ تسویہ اولنماز ومقدار حقیقیسی ہرا کسر سیز حسابک تنظیمندن وبوحسابلرک محلدہ خصوصی بر قومسیون معرفیلہ تدقیقندن صکرہ اولہ بیلور۔ ہواہ اوزون وقتہ محتاج برایشدر۔ بو خصوصی قونطرولك اوزونلغندن و مشکلاتندن متولد تاخرلردن قومپانیہ لری قورتارمق ایچون، قومپانیہ لره آوانسلر یاییلور وبونک ایچون علاقہ دار اولان قومپانیہ ہرا کسر سیز حسابی ایرتنی اکسر سیزک ایلک درت آبی ظرفندہ حکومتہ تقدیم ایدر۔ بوحسابہ نظراً بر مقدار مبلغ موقتاً فائض تأمیناتی کبی ویریلور۔ خصوصی قونطرولك اجرا سندن صکرہ ہر قومپانیہ نک حسابی قطع ایدیلور، وحکومتک بورجلی اولدینی مبلغ صورت قطعیدہ تمین اولنور۔ اگر حکومتک بورجی موقتاً ویردیکی مبلغدن فضلہ اولور ایسہ فرقی تأدیہ اولنور۔ نقصان ایسہ قومپانیہ نک فضلہ الدینی مبالغہ یوزدہ درت فائض ایلہ درعقب حکومتہ اعادہ اولنور۔

مالیہ نظارتجہ تنظیم ایدلدیکی بالادہ بیان اولنان حساب عمومی شو صورتلہ ترتیب اولنور: حسابات عمومیہ قلمی Bureau des écritures centrales محاسبہ عمومیہ نک شعبات مختلفہ سندن Trésoriers généraux، جزائرہ کی و مستملکاتندہ کی Trésoriers payeurs، مالیہ رژیلری Régies Financières، تحت ادارہ لرنده بولنان محاسبلر حساباتک بر خلاصہ سنی آلور۔ بو خلاصہ لر دورہ حسابیہ نک ایکی قسمی ایچون آیری آیریدر۔ برنجی قسمی ۳۰ نیساندہ قائمش اولان دورہ

حسابیه‌ك مدت متختمه‌سی ظرفده‌كی بودجه‌یه عاٰندواردات و مصارفاتی محتویدر . ایکنجی قسمی جریان ایتمکده اولان دورهٔ حسابیه‌ك اون ایکی آی ظرفده‌كی بودجه واردات و مصارفی ایله برابر سنه ظرفده اجرا ایدیلن Trésoreries معاملاتی محتویدر . مرکز خزینهنك وزنه‌داری دخی کندی واردات و صرفیاتنك حساب عمومیه‌سی احضار ایدر و بونك دیوان محاسبه‌ده تبلیغی اقتضا ایدر . بو خلاصه‌لر بودجه وارداتی بودجه قانوننك تقسیماته کوره و مصارفی نظارتلر اعتباریه یکنوا تره‌زوری معاملاتی هر صنف محاسب اعتباریه تفصیلاً اراٰنه ایدر . بودجه‌یه عاٰند اولان مصارف ایچون فصل اوزرینه مرتب برر ایضاحنامه دخی خلاصه‌لره مربوطدر . بو خلاصه‌لر آلتنجه دفتر کیره و زورنالنه کچیریلور بعده بودجه‌یه عاٰند اولان واردات ایله تره‌زوری معاملاتی زورنالدن معاون دفترلرینه نقل اولنور . نظارتلر و فصول اوزرینه آچلمش اولان دیگر دفاتر معاونه بودجه‌یه عاٰند اولان مصارف ایضاحنامه‌لری واسطه‌سیله طوتیلور . خزینه محاسبلرنك دفاترنی اجمال ایدن بو معامله‌دن بشقه حسابات عمومیه قلمی Virement محاسبی حسابی‌ده طوتار . بو محاسبك ، معاملات تقدیه اجرا ایتمدیکندن ، نه یومیه نه‌ده دفتر کیره احتیاجی یوقدر . انجق بو محاسب محاسبهٔ عمومیه‌ك شعبات مختلفه‌سنجه تحت اداره‌لرنده بولان محاسبلرك حسابات و اوراق مثبتهنك نتیجهٔ تدقیقنده تصحیحی اخطار اولان خصوصاتی حسابات عمومیه شعبه‌سنده‌كی دفتر کیردن آلور . بوندن ماعدا نظارتلرجه اجرا قلان تصحیحاتی طوغریدن طوغری‌یه اخذ ایدره‌ك دفاتر معاونه قید و ایضاح ایدر . بو دفترلردن چیقاره‌جنی خلاصه‌لر حسابات عمومیه قلمنده‌كی یومیه دفترینه و دفتر کیره قید اولنور . بو صورتله اجمال اولان بالعموم تصحیحات یومیه دفترندن صورت مخصوصه‌ده اتخاٰد ایدلمش اولان ایکی عدد دفتردن برینه اجمالاً و دیگرینه تفصیلاً قید اولنور . اشته بو دفترلردن چیقاریلان

خلاصه، حساب عمومیتک دیوان محاسباتجه تطبیقته مدار اولیق اوزره کوندریلان خلاصهله ايله برابر دیوان محاسباته ارسال اولنور . شوراسی شایان اخطاردركه اشبو Virement محاسبی ایچون دوره حسابیه نك مدت متختمه سی ۳۱ تموزه قدر امتداد ایدر . حساب عمومی محاسبه عمومیه مالیه اداره منده طوتش اولان دفاتردن استخراج اولنور ونهات حسابك عائذ اولدینی سنه نی تعقیب ایدن سنه نك ۳۱ تموزنده ویرلك قانوناً لازمدر . حساب عمومی یی تشکیل ایدن اقسام مهمه نك اسامیسی هر سنه حسابك مقدمه منده تعداد اولنور . واردات و مصارف عمومی، تره زوریری ، بودجه حسابلری یوقاروده صاییلان دفاتر معاوندن و ایجاب ایدر سه Virement محاسبك دفاترلندن چیقاریلور ، بونك ایچون تحصیلاتك موقت و قطعی ستو آسیونلری « ۳۱ کانون اولده موقتی و دوره حسابیه نك قانیدینی زمان قطعیدی » حسابات عمومی قلمی طرفندن تنظیم ایدیلر ك محاسبه عمومیه نك دیگر شعبه لرینه کوندریلور . شعبات مذکورده بونلری قونطرول و تحقیقات و بقیه تحصیلاتی علاوه ایدرك حسابی اكمال ایدر . بونك اوزرینه اشبو تحقیقات و بقیه تحصیلات یومیه و دفتر کبیر عمومی یه قیداولنور . عینی زمانده فصل اوزرینه تأدیاتك موقت و قطعی ستو آسیونلری نظارتلره تبایغ اولنور . نظارتلر آمر اعطالرك حسابلری ايله مطابقتی تدقیق ایتدكدن صكره بوكا تخصیصاتی و تحقیقاتی و بقیه تأدیاتی علاوه ایدر . كذلك بونلرده دفتر کبیر عمومی و یومیه سنه کچیریلور . واردات مخناتی و ابتدائی تخصیصاتی بودجه قانوننك قبولندن صكره تجاوز ایتش اوله بیلور . مخنات ايله تخصیصات منضمیه كلنجه : بودجه قلمی كندی دفاترلندن استخراج ایتدیكى نوطلر ايله بونلری بیلدیرر . بوصورتله اكمال ایدیلان ستو آسیون اداره مالیه حسابك تفصیلاتی میاننده مندرج بولنور . تره زوریری حسابك نتایجی طوغریدن طوغری یه دفاتر معاوندن چیقاریلور . وارداتك انواعه ، نظارتلره

ویا تره زوری خدماستک ماهیانه کوره تنظیم ایدیلان Situation لر معاملات سنویه حسابنده مندرجدر . بوندن بشقه بوحسابده کانون ثانی ابتداییله کانون اول انتهایسندده محاسباتک قاصه لرنده و جزدانلرنده کی قیمت لر دخی کوریلور . والحاصل محاسباتک نوعنه کوره ترتیب اولنان و کرک بودجه یه عائد کرک تره زوری یه متدائر بالعموم معاملات ی محتوی بولان برایشاخنامه دیوان محاسباته محاسبات حساباتیله حساب عمومیتک مطابقتی کویسترمکه یاردم ایدر . حساب عمومی دیگر طرفدن نظار حساباتک تدقیقی ایچون هر سنه تشکیل اولنان قومیسونک نظر تدقیقنه حسابات عمومی دفتزلریله برلکده عرض اولنور . بوقومیسون یومیه دفتری و دفتر کبیر موازنه سی قیاسی . بو موازنه یومیه تک تحلیلی برخلاصه سیله و قومیسونک برضطنامه سیله برلکده طبع اولنور .

اشبو حسابات عمومی قلمی بودجه تک قطعی حقنده کی قانونک پروژهلری احضار ایتک وظیفه سیله ده مکلفدر . واردات و مصارفک Stuation لری ایله مخنات وخصصاتک تعدیلاتی و دوره حسابیه طرفنده اچیلش اولان تخصیصات منضمه ایله ظهور ایدن فضلّه مخناتی مین جدولر بولایجه تک اساسی تشکیل ایدر . کذلک اشبو لایحه ده عمومی بودجه یه مربوط اولان ملحق بودجه لرک حسابی ده قطع ایدلش اولور . وارداتک حساب قطعیمی مالیه ناظری طرفدن بودجه تک قطعی حقنده کی قانون لایحه سیله برلکده پارلامنتویه تبلیغ اولنور . بونده تکالیف و وارداتک تخصیصات متعلق بالعموم ایضاحات مندرجدر نظارتلر اعتباریه و بودجه لایحه سی شکلنده ترتیب اولنان مصارف حساب قطعیمی وریذکی تخصیصاتک یولنده استعمال ایدلرکنک پارلامنتوجه قونظروانی تأمین ایدر . « حسابات مرکزیه قلمنجه طوتیلان دفتر کبیر نمونه سیله میزان عدد اوله رق ۱۲ نومرو تحتده تقدیم اولمشدر »

مالیه نظارتنده کی معاملات تقدیم مدیریت Mouvements des fonds

معاملاتی بروجہ آتی ایذا ایدر : ہر نظارت آئی اور تہ سندہ ایرتسی آئی
ایچون لزوم کوردیکی مبالغہ فصول اوزرینہ مرتب برقطعہ جسدولانی
بالتظیم تذکرہ مخصوصہ ایلہ معاملات نقدیہ مدیریتہ کوندیریر . مدیریت
مذکورہ نظام از تلردن الدینی بو جداول محتویاتی توحید ایدرک تنظیم
ایتدیکہ خلاصہ مالہ نظارتی واسطہ سیلہ رئیس جمہورہ بالتقدیم
مبالغہ مقضیہ نک صرفی ایچون مآذونیت استحصا ایدر . بو مآذونیتک
استحصا تلدن صکرہ ہر نظارت ایچون ویزہ قلمندہ فصول اوزرینہ
مرتب اولہرق اتخاذ ایدلش اولان Imputation دفترینک طلب ستونہ
ہر فصل ایچون طلب ایدیلان مبالغہ قید ایدیلور . ہونک اوزرینہ
نظارتک اسطار ایدہ جککری اعطا امرلریلہ تخصیصات حوالہ لری معاملات
نقدیہ ادارہ سنہ ورود ایتدیکہ ویزہ ایدلک اوزرہ قلم مخصوصہ تودیع
واولجہ وقوعبولان طلب دائرہ سندہ اولدینی بعدالتدقیق تخصیصاتی
مساعد بولندینی حالہ دفتر مذکورہ قید اولنور « اعطا امرلری ایلہ
تخصیصات حوالہ نامہ سی ستونلری آیری دکلدیر ، واعطا امرینک محال
مخصوصہ ویزہ ایدلش اولدیغہ دار مأمور مخصوصی طرفدن اشارت
اولہرق اشارتک زیری دخی معاملات نقدیہ مدیری طرفدن امضا ایدیلور
مع هذا تخصیصات مساعد اولدینی حالہ طلبنامہ مدہ مندرج مبالغندن فضلہ
مقدارک ویزہ سی جائزدر .

کریک مرکزہ کریک دہ پارتمانلردہ تأدیہ ایدیلہ جک اولان اعطا امرلری
اوراق مثبتہ سیلہ معاً وتخصیصات حوالہ لری اوراق مثبتہ سز اولہرق
معاملات نقدیہ مدیریتہ ارسال ایدیلور . مذکور اعطا امرلینک ویزہ سندن
صکرہ پارسدہ Caissier central طرفدن تأدیہ اولہجق اعطا امرلری
اوراق مثبتہ سیلہ برابر مرکز وزنہ سنہ کوندیریلور . دہ پارتمانلرہ عائد
اولان تخصیصات حوالہ لری ایلہ اوراق مثبتہ سز مربوط اولان اعطا امرلری
ویزہ قلمندہ طوبالانہرق قبودہ کچیرلمک اوزرہ محاسبہ عمومیہ تودیع

اولنور. ده پارتمانلرده تأدیه اولنه جق اعطا امرلریله تخصیصات حواله لری هر آیک برنده ویکرمی برنده ده پارتمان اوزرینه هر نظارتیه عائد اولانی آیری آیری اوله رق ازانیه اولنق اوزره تنظیم اولان بوردرولر ایله ده پارتمانلرده کی Trésoriers payeurs généraux لره معاملات تقدیه مدیری طرفندن ارسال اولنور. دیگر طرفدن آمر اعطا اولان ناظرلر اسطار ایتدکلری اعطا امرلری ایچون اصحاب استحقاقه اعطا امرینک نومروسیله حاوی اولدینی مبلغی و تفصیلات سائره سی جامع براخبار نامه تسایر ایدرلرکه صاحب استحقاق بو اخبار نامه ایله استیفای مطلوب ایدر. تخصیصات حواله سنه کلنجه : بونک نظارت عائد سنه کیملره ونه مقدارده تأدیه اولنه جنی بالطبع معلوم اوله میه جفتدن ایکنجی درجه ده آمر اعطالره کندی. ناملرینه اومقدارده قره دی کشاد ایدلش اولدینی اخبار کیفیت اوله رق بونلر Trésoriers payeurs généraux لراوزرینه اسطار ایدم جکلری ماندلر ایله مذکور حواله یه محسوباً اصحاب استحقاقه تأدیات اجرا ایتدیرلر. هر نظارتجه علی الا کثر دوره متحتمه نک نهایتیه یقین بر زمانده ده پارتمانلرده بولنان ایکنجی درجه ده کی آمر اعطالردن البان معلومات اوزرینه تخصیصات حواله نامه سی محتویاتندن محل صرفی قالمین مبالغه مواد اوزرینه مقادیرینی و تخصیصات حواله نامه سنک تاریخ ونومروسی محتوی اوله رق بر جدول تنظیم ایدیلرک مالیه نظارتنده معاملات تقدیه مدیریه ارسال اولنور. مدیریت مذکور جه بوجدولده محرر ده پارتمانلرده بولنان آزان دوتره زورلره اشعار کیفیت اوله رق اومقدارک احکا ایدلرکنه دائر معلومات التدقن واجوبه وارد اوزرینه مبعوث جدول ایله اشارت اوله رق جدول ایله جوابلر برلشدیرلر کدن صوکره امپوتاسیون دفترینک احکا ستونه قیرمزی مرکله قید و اشبو جدول ملفوفیه برابر حسابات عمومیه قلمنه ویریلور. اشبو دفتره بوجده ده محرر تخصیصات ایله ، مناقله و مجدداً وقوع بولان ضائم یازلدینی کی اولجه قید

اولنان اعطا امرلری و تخصیصات حواله نامه لرندن بالاخره ابطال اولنانلر ده
 محاسبتونه یازیلور. محاسبتونه تحریر اولنان ارقام دائماً سرخ ایله یازیلور.
 ماندالرك تأدییه نه مأمور اولان محاسب لر عینیه معاملات نقدیه اداره سنك
 اعطا امرلری حقنده اجرا ایتدیکی تفتیشانه مشابه تفتیشانه بولورلر.
 ایکنجی درجه ده آمر اعطا، هر کون محاسبه اوکون ویردیکی ماندالرك
 بر بوردروسی کوندریر. بو بوردرویه ماندالر واوراق مثبتیه مربوطلر.
 محاسب در عقب بولرك تدقیقاتی اجرا و انجاب ایدرسه آمر اعطالر نزدنه
 یولسلرلی تصحیحیه مأموردر « یولسلرلق کوریلان ماندالر ایله اوراق مثبتیه
 تصحیح معامله ایچون آمر اعطالره اعاده اولور » تدقیقات لازمه اجرا
 ایدلر کدن صوکره محاسب اوراق مثبتیه ی حفظ ایدر، و ماندالر اوزرینه
 Vue bon à payer عباره سی یازه رق بوردرو ایله برلکده آمر اعطایه
 اعاده ایدر. آمر اعطا تکمیل معاملاتسندن منتظم اولدیغنی تصدیق
 و تأیید ایتدکدن صکره بوردروی محاسبه کوندریر « محاسب بو بوردروی
 صورت قطعیه ده نزدنه محافظه ایدر » و ماندالری کنبدی مسئولیتی ایتده
 اصحاب استحقاقه مقبوض مقابلنده تسلیم ایدر، اصحاب استحقاقه ورنیه
 مراجعتله مطلوبلری آلورلر.

اصل Mouvements des fond معاملاتی ایسه شو یولده اجرا
 اولور: حاصلاتی، مصارفندن فضله اولان ولایت آزانلری فضله
 حاصلاتی حکومت نامنه بانقیه تودیع ایتدکاری کی وارداتی، مصارفنه
 کافی کلیان ولایات آزانلری ده لزومی اولان انجیهی مدتی برآیه مقصور
 اولقی اوزره ناملرینه اچیلان قره دییه محسوباً بانقهدن آلورلر. معاملات
 نقدیه مدیری هر کون وقوع بولان تحصیلات و صرفیاتی و کرک بانقده
 کرک خزینه ده نقد و خزینه بونوسی اوله رق موجود اولان مقداری
 Caissier central دن اله جنی جدولدن استنباط ایده جکی معلومات اوزرینه
 هر ده پارتیمانك آخیه اولان احتیاجنی تأمین و اداره ایدر. بوجدوللرك

بر آی ظرفنده طویلانا نلرندن بر قطعه خلاصه یا بلدینی کی بر سینه عا ئد اولانلر ده تجلید ایستدیر یله رك حفظ ایلمکده در . ایشته سین سابقه عا ئد اولان بوجلد جدوللرک مطالعه سندن بالاستفاده هر آی ابتداسنده حکومتك بالعموم شعباته لزومی اوله جق اچّه تخمین ایدیلهرك بر جدول مخصوص تنظیم اولنور که بوجدولک بر جهنده صرف ایدیلهرك اچّه دیگر جهنده وقوع بوله جق تحصیلات کوسریلور . بوموازنیه نظراً او آی ظرفنده کی حاصلاتك مصارفاته کافی کلیه جکی ا کلاشلدینی تقریرده ایجاب ایدن مقدار ایچون بون دوتره زور اخراج ایدر . شمدییه قدر سبق ایدن تجاربه کوره هر سته نك ایلک الی ماهی ظرفنده ایکنجی الی آیه نسبتله حاصلاتك آز و مصارفك فضله بولمخسندن « چونکه سته نك ایلک الی آینه کرك سته سابقه و کرك جریان ایتمکده اولان سته عا ئد تأدیات و صرفیات زیاده در ، ناشی هر سته کانون ناسیدن اعتباراً الی آی مدت ظرفنده درت بشیوز ملیوناق بون دوتره زور اخراج اولنور بالاخره سته نك ایکنجی الی آی ظرفنده بالنسبه واردات فضله ، مصارفات نقصان اولدیغندن فضله واردات ایله سته نهایته قدر بون دوتره زور لر محتویاتی تدریجاً تأدیه اولنور . بالاده بحث ایدلدیکی اوزره وارداتی ، مصارفاته کفایت ایتیان دپارتمانلر ده کی آزان دوتره زور لر نامنه آچیلان قره دیلرک صرف اولنمیان مقداری قبادیلور ، کشاد ایدیلان قره دینک عدم کفایه سی ا کلاشیلور سه وقوع بولان طلب اوزرینه بر ایکنجی قره دی ده ا آچیله بیلور « معاملات تقدیه اداره سنجه ویریلان نمونه لر ۱۳ نومرو تحتده تقدیم ایدلمشدر .